

parry
vanil
polee
root

21 12
21 12
21 12

11-11-20

Long...

Small 100
1000

1772

GL. 15

PUGNA
SPIRITUALIS.


SIVE

TRACTATUS
DE PERFECTIONE VITÆ
CHRISTIANÆ
OLIM EX HISPANICO IDIO-
MATE VARIIS LINGVIS
REDDITUS .



REIMPRESSUM
CRACOVIAE

TYPIS SEMINARIJ EPISCOPI: Aca-
DEMICI DIACE: A. D. 1780.



A P P R O B A T I O


Librum hunc ad consequendam
Christianæ vitæ perfectionem
apprime utilem jam cæteris Ty-
pis evulgatum dignum, qui rursus
pro communi omnium commodo
lucem publicam adspiciat censeo

M. JOSEPHUS PUTANO:
WICZ S. Thæ. Dr. & Pfr.
Canonicus Cath: Plocen:
Coll: SS. OO. Præpositus
Librorum Censor.

mpp.

Datt: Crac: in Coll: Majori
Die 7. Martii A. 1780.





P U G N A
SPIRITUALIS.
S I V E
DE PERFECTIONE
VITÆ CHRISTIANÆ.

C A P U T I.

Quibus in rebus perfectio Christiana consistat: Et de quatuor ad eam obtinendam necessarijs.

DILECTE in Christo fili: si tibi curæ ac cordi est, sublimitatem Christianæ perfectionis assequi: ac cum Domino DEO tuo uniti, unusque cum eo spiritus effici (quo sanè nec utilius, neque præ-

statius diviniusq; ab homine quicquam fieri excogitarique potest) scire te ante omnia oportet, quibus in rebus perfecta spiritualis vita consistat.

Sunt enim non nulli, qui horum consideratione debita neglecta arbitrantur perfectionem hanc potissimum consistere in austeritate vitæ, hoc est carnis castigatibus, usu ciliciorum, ieiunijs, vigilijs, horumque similibus, asperis exercitijs, afflictionibusque corporis .

Alij vero, præsertim fœminæ, leviter sibi persvadent, se in perfectione ista spirituali plurimum profecisse, si multas quotidie preces recitent, Missas plures audiant, frequenter confiteantur, sacramq; Communionem accipiant.

Sunt

Sunt & alij non pauci, & inter hos etiam quidam Religiosi, in claustris degentes qui perfectionem hanc arbitrantur consistere in choro frequentando, in regularis silentij custodia, vita solitaria, reformata regulari disciplina, itaque alius in illo, alius in alio istiusmodi pio exteriori exercitio eam constituit: longè aliter quam se res habet. Tametsi enim exercitia illa exteriora pia, multum ad istam spiritualem perfectionem iuvent; non est tamen ea tota in istorum observatione constituta. Conferunt sine dubio ea exercitia, ut iisdem se prudenter occupans, facilius obtineat gratiam Spiritus sancti ad superandam fragilitatem carnis suæ. Sed & muniunt hominem, argumentumque ei præstant aduersus

insidias atque incurfus communis, infestissimique hostis nostri, ac tandem etiam profunt ad multa pietatis opera facilius feliciusque præstanda; præsertim Tyronibus seu Novitijs in hac spirituali palæstra.

Quinetiam iam exercitatis & confirmatis in illa spirituali palæstra, afferunt fructus spiritus multiplices; qui corpus suum propterea affligunt quòd DEUM creatorem suum eo offenderunt: & ut illud ad servitium DEI adsuefaciant, Silent, etiam atque in solitudine vivunt, ut omnem peccandi occasionem devitent, & absque mundi hujus impedimentis tranquillius, feliciusque meditationibus cælestibus vacare possint. Ad hæc devoti & attentissimi sunt in divinis officijs, exercent se

se frequenter in operibus caritatis, in precibus, & frequenti sacra Communionione; non aliam ob causam, quàm ob honorem ac gloriam divinæ Majestatis, & ut per sanctam charitatem Domino Deo suo uniri valeant.

Qui verò in istiusmodi exterioribus exercitijs quiescunt, in iisque suum finem constituunt; sæpè labuntur in gravia pericula salutis suæ: non quidem propter ipsa exercitia exteriora (quæ suaptè natura bona sunt & plurimorum sanctorum exemplis comendata:) sed quod duntaxat attenti sint ad ista exteriora exercitia; hominem autem suum interiorem sinant naturalibus suis affectibus indulgere, & diaboli laqueis innecti. Nam ubi malignus ille hostis eos videt

PUGNA

in talibus exercitijs à recta via aberrare; non solum finit eos in iisdem quietè, ac cum iucunditate quadam pergere: sed & habenas eis laxat; ut videantur sibi iamiam velut in delicijs Paradisi (quas pro vana f. a per-
fvasione leviter imaginantur ac fingunt) obambulare, Deumque in seipsis loquentem audire. Unde & in meditationibus suis curiosis atque profundis absorpti tantam quandoque svavitatem, iucunditatemque experiuntur, ut se putent à mundo, omnibusque creaturis sejunctos, & velut extra se in tertium usque cælum raptos.

Sed quàm graviter hi omnes semet decipiant, quamque longè à vera perfectione aberrant; ex reliquâ ipforum vita haud difficulter

culter potest iudicari. Sunt enim ut plurimum homines singulares curiosi, & in vitam, moresque aliorum oculati censores, contraque eorumdem facta, murmurantes. Et cum ipsis aliquid errati obicitur: vel à solitis suis exercitijs (quæ ex arida potissimum consuetudine faciunt) nonnihil impediuntur: aut ordinaria eis communio negatur; confestim videris eos iracundia incensos, inquietos, desperabundos.

Quid si etiam Deus (ut eos ad veram sui cognitionem reducat) infirmitatem aut tribulationem quampiam eis immittat aut obvenire permittat (huiusmodi enim nunquam nisi divina annuente voluntate cuiquam contingunt, & sunt quasi lydius lapis quo fidelitatem fervorem suo-

rum, Deus probare solet) mox deprehendere licebit, quam falso in suis exercitijs corporalibus nitantur fundamento, quam corrupta habeant viscera quantaq; in eis lateat superbia. Nolunt enim suā voluntatem, in omnis generis eventis, prosperis pariter & adversis, promptè resignare, nec se ipsos sub potenti manu Dei humiliare: Nedum ad humilis at que afflictī eius filij exemplum se omnibus etiam creaturis humiliter subijciant, inimicos suos ut veros amicos, æstimantes & ut divinæ bonitatis instrumenta, cooperatorumque salutis ac veræ reformationis, mortificationisque ipsorum, colentes. Quod fanè evidens indicium est, gravissimi in quo versantur periculi. Corrupti enim sunt oculi mentis ipsorum,
ut

ut videntes opera sua exteriora (etiam si bona) mox nescio quos perfectionis gradus sibi arrogant: indeque in superbiam lapsi, alios temerè iudicent atque despiciant, nec est qui eos ad sanam mentem reducat, nisi Deus eorum corda fortiter feriat, mentisque tenebras lumine suæ claritatis dispellat, ut laqueos quibus innexi sunt, conspicientes, effugium quærere possint: Facilius namque convertatur magnus peccator manifestus, quam simulatus iustus qui pallio virtutis latentem iniquitatem celat.

Vides ergo, dilecte fili, satis manifestè: perfectionem spiritualem in prædictis operibus ac persuasionibus nullatenus consistere. Scias autem in nulla re alia eam positam, quam in vera

cognitione ineffabilis bonitatis & magnitudinis divinæ: & in nostræ vilitatis, miseriæ, nullitatis, affectumque nostrorum naturalium ad omnem malitiam proclivium, vera agnitione: Itemq; in vero odio nostrarum personarum, & amore Dei: tandemque in nostræ propriæ voluntatis absoluta abnegatione, eiusdemque in divinam voluntatem resignatione. Scilicet ut homo se totum, non solum omnipotenti Deo, sed & propter ipsum omni etiam creaturæ subijciat: & hoc nullam aliam ob causam, quam ut faciat, quod placitum est coram Deo; cuius Majestati ut ab omnibus purè serviatur, omnisque honor laus & gloria tribuatur, longè dignissimum est.

Hæc est abnegatio illa,
quam

quam Salvator noster Christus
fæpius inculcavit. Hæc est illa
vera obedientia, ad quam Dei
filius, verbo & exemplo, suos
fideles servos invitat ac dirigit.
Hæc est desiderabilis Crux, quam
fideles servi humeris suis impo-
nere, & sic Christum Dominum
suum sequi debent. Hæc illa di-
lectio, quam Dominus noster toti
mundo, discipulisque suis ut ami-
cis & filijs, tam frequenter &
præcipue post novissimam Cœ-
nam, pedumque lotionem, serio
demandavit.

Itaque dilecte fili, si sublimita-
tem tantæ perfectionis volueris
assequi; vim tibi facias oportet: &
studeas teipsum in omnibus affe-
ctibus tuis, tam levioribus, quam
gravioribus, semper vincere, ani-
mumq; tuum ad hanc pugnam di-

ligenter instruere atque armare. Etenim corona huius certaminis, nulli datur, nisi legitimè ac strenuè certaverit.

Sicut enim inter omnia certamina hoc (de quo agimus) maximum ac difficilimum est: ita & victoria ex eo reportata longè gloriosissima gratissimaque Deo est: adeò ut si inordinatos tuos affectus, etiam sævissimos, superaveris, conculcaveris, mortificaveris, excideris; multò gratius obsequium Deo præstiturus sis, quam si eis neglectis ultro teipsum usque ad sanguinem flagelles, vel more antiquorum arctissimè ieiunes, aut multa infidelium vel peccatorum millia, ad fidem Christi; poenitentiamque convertas: Tametsi enim Dominus Deus noster, conversionem
anima-

animarum plus amat, quam propriæ voluntatis tuæ in levioribus rebus abrenuntiationem; nihilominus hoc te solum ac præcipue velle agereque oportet, quod ipse abs te vult fieri. Atque sine dubio plus Deo placebis si te ipsum in mortificatione tuorum affectum ferid occupes; quam si eum inordinato aliquo affectu, etiam ingentia, ac quanta fieri possunt negotia, præstes.

Cum, ergo, dilecte fili, intelligas quibus in rebus perfectio Christiana consistat; & quod ad eandem obtinendam te in continua ac gravi pugna semper victorem esse oporteat. Par est ut tanquam strenuus miles Christianus te quatuor rebus veluti armis necessarijs munias quibus in hac spirituali palæstra victor evadas.

- Scil. { 1. Diffidentia de teipso.
 { 2. Confidentia in Deo.
 { 3. Jugis exercitatio.
 { 4. Devota oratio.

De quibus armis, auxiliante
 Deo, deinceps ordine, breviter
 que tractabimus.

C A P U T II.

De diffidentia suiipfus.

Diffidentiam tuiipfus, tribus
 medijs tibi comparare pote-
 ris: quorum primum, ut agno-
 scas, verè intimeque consideres
 extremam vilitatem ac miseriam
 tuam: simulque apud te certò sta-
 tuas, nihil prorsus te boni ex te-
 ipso facere unquam posse Etenim
 homo ad faciendum opus bonum
 ac

ac meritorium apud Deum, ex seipso, non aliter impeditus est (ut ita dicam) atque grandis lapis ad motum sursum. Et eandem prope inclinationem habet homo ad malum, quam grandis lapis deorsum ad terram.

Alterum medium est, ut hanc tui diffidentiam, quoniam solius Dei donum est, humilibus & ardentibus precibus ad ipso efflagites. Sed prius apud te statuas vereque agnoscas oportet, te eadem prorsus destitutum esse; nec umquam per teipsum eam posse acquirere; ut sic totus nudus, fide constanti ad Deum accedas: beneque speres ipsum orationem tuam benignè exauditurum, & quam optas tui ipsius diffidentiam, copiosè largiturum. Oportet tamen orationem hanc
de

de die in diem fieri ardentio-
atque in eadem perseverando
æquanimiter expectare, donec di-
vinæ providentiæ placitum sit,
istam tibi tuijsius diffidentiae
gratiam clementer tribuere. Hoc
si feceris, nihil dubites, eam te
aliquando consequuturum.

Tertium medium, ut si quan-
doque lapsus fueris in peccatum,
protinus mentis tuæ oculos, ad
iam dictam vilitatem, miseriam,
& ad faciendum bonum impo-
tentiam tuam convertas. Nisi
enim eam intimé in te agnoscas-
sinceréque confitearis, numquam
à lapsibus securus eris.

Quicumque enim se cum
increata veritate uniri desiderat,
huic suijsius vera intimaque
cognitio omninô est necessaria.
Deus quippe homines. superbos ac
præ-

præsumptuosos finit quandoque in grave aliquod peccatum incidere; ut ad propriam vilitatem, fragilitatemque suam agnoscendam eos flectat ac deprimat. Et quantò cuiusque superbia maior minorue fuerit, tantò gravius etiam aut leviùs eum Deus labi permittit: usque adeò, ut si nulla in homine superbia (sicut in Deipara Virgine MARIA) esset, nunquam eum Deus in peccatum labi permetteret.

Propterea mox ubi in peccatum aliquod lapsus fueris, festina cogitationibus tuis ad humilem agnitionem tuijpsius, & ardentibus precibus incessanter Domino Deo tuo supplica, ut verum tuæ menti lumen infundat, ad agnoscendam infirmitatem, miseriamque tuam: sic te deinceps

ceps à gravioribus lapsibus benignè servare atque defendere dignabitur.

CAPUT III.

De confidentia in Deo.

Est quidem in hac pugna spiritali, diffidentia sui ipsius vehementer necessaria, & longè utilissima, ut dictum est: nihilominus si ea sola instructi in aciem ingressi fuerimus; mox aut victi succumbemus, aut turpi fuga elabendum erit. Quamobrem suscepta tuiipsius diffidentia, mox ad Dominum Deum tuum confugas, & pia confidentia ipsi supplicans, omne bonum & auxilium ab eo patienter expecta. Qua in re etiam tria te servare oportet.

Primo

Primò namque auxilium tale ab ipsius Domini tui summa maiestate humilibus ardentibusque precibus instanter petendum est.

1. Deinde frequenter oculos mentis tuæ ad ipsum convertens, intimè contemplaberis eius omnipotentiam, infinitamque Sapientiam: ut cui nec impossibile quidquam sit, neque grave: Cuius bonitas immensa ac interminabilis, quæ ineffabili desiderio semper parata ac prompta est, cuncta nobis copiosè largiendi, quæ ad spiritualem vitam, atque ad victoriam ab hostibus reportandam, sint necessaria & utilia.

Quomodo enim fiet, ut divinus ille ac optimus Pastor, qui post perditam ovem, totos triga

ginta tres annos anxietate maxima cucurrit: eamque magnis, multisque clamoribus usque ad raucedinem, ad se revocavit: itemque per salebrosam ac spinosam viam ita quæsit, ut sanguinem etiam suum propterea fundere, vitamque amittere debuerit: quomodo fiet, inquam, ut is benignissimus Pastor, suos misericordes oculos, ab ove illa perdita iam ad ipsum clamante, Pastoremque suum anxie quærente, avertat auresue suas benignas ad eius clamorem obturet. Quomodo, quæso, promissionis suæ oblivisci poterit, ut eam non suscipiat in humeros suos, festumque exultationis cum Angelis suis in cælis super ea reducta non celebret?

Aut quis unquam credat,
Domi-

Dominum Deum nostrum, qui magno desiderio cupit habitare in cordibus nostris, in iisque nobiscum convivari: & ad distribuendos suos cælestes thesauros, ianuam cordis nostri continuo pulsatur: eum. velle aures suas occludere, suumque accessum negare, tunc cum homo iam cor suum ipsi aperit, ipsumque ad convivandum in eo, humillimè ac enixissimè invitatur?

Tertiò ad acquirendam confidentiam in Deo solo, requiritur frequens meditatio veritatis sacrarum Scripturarum: quæ multis in locis manifestissimè nobis testantur, quòd confidentes in Domino Deo nostro, numquam confusi sint.

Est præterea adhuc modus
alius

alius, quo & suiipsius diffidentiam, & in solo Deo confidentiam homo potest acquirere. Scilicet, ut in omnibus operibus tuis, priusquam aliquid incipias, teipsum cogitationibus tuis ad considerationem tum fragilitatis tuæ, tum omnipotentiae bonitatisque Dei convertas: dein operari incipias.

Hunc ordinem nisi in operibus tuis diligenter observaveris, sæpè deprehendes te deceptum, cum putares te cum magna in Deum confidentia opus suscepisse. Quia præsumptio atque superbia tantopere adherent ac infixæ sunt homini, ut in tota vita sua ab iisdem vix expurgari valeat. Sic ergo actiones tuas ordinabis, ut consideratio fragilitatis, vilitatisque tuæ,

tuae, simul & divinæ omnipotentiae, ad te iuvandum promptissimæ. opus ipsum antecedit.

Præterea attende sedulò ne te ipsum decipias: sæpe enim tibi videbitur, te diffidentiam tui ipsius & confidentiam in Deo iam affecutum esse: cùm tamen adhuc longè aliter affectus sis. Quod ex tui animi motibus, si quandoque labaris, facile cognosces. Nam si lapsus, in te tristitiam ac inquietudinem excitet, atque de progressu bonorum operum te velut desperare faciat: evidens signum est te in teipso solo, & non in Deo confidere, Et quantò hæc in te ipso confidentia ac desperatio maior, minorue fuerit: hoc quoque maior, minorue in te erit tua de teipso diffidentia, & in Deo so-

lo confidentia. E contrario, si veram de teipso diffidentiam, & in Deo solo confidentiam in te habueris: non magnoperè miraberis lapsus tuos, non multum propterea tristaberis, neque anxius eris: quoniam agnoscis illos ex tua fragilitate contigisse: proptereaque non minuent in te confidentiam in Deum solum. Irasceris quoque tibi propter eosdem lapsus corde contrito, non ob aliam causam, quàm quòd Dominum Deum tuum offendisti. Hæc agens, diffidentiam de teipso magis ac magis in te excitabis, & confidentiam in Deum simul augebis: unde paulatim in te accendetur vehemens zelus, obtinendi in suscepta spirituali pugna victoriam, omnesque hostes tuos usque
ad

ad internecionem persequendi.

Quod equidem vellem quosdam homines spirituales diligenter attendere; qui cum aliquando in defectus incidunt valde impatientes redduntur. Ideoque nec quiescunt, donec ad Patrem suum spiritualem seu Confessarium veniant, ut suæ potius anxietatis quodpiam solatium accipiant, quam ob alias pias ac rectas causas: cum tamen ad eum ideo solum deberent accedere, ut à commissis peccatis per absolutionem expurgarentur: & per sacrae Communionis sumptionem, spirituale quoddam robur contra hostes suos acquirerent.



CAPUT IV.

De exercitatione: Et primum de intellectu: Et quomodo ab Ignorantia Et Curiositate custodiendus sit.

IUvant quidem multum in pugna spirituali, diffidentia sui-
ipsum, & in Deo solo confiden-
tia: ut hactenus ostendimus at
sola non valent ad obtinendam
victoriam. neque ad firmam ho-
minis à lapsibus custodiam. Id-
circo præter ista duo, ad pugnam
hanc etiam necessaria est EXER-
CITATIO, quam superius tertium
genus armorum spiritualium sta-
tuimus.

EXERCITATIO autem hæc po-
tissimum consistit in recto ac pio
usu intellectus & voluntatis ho-
minis.

Et

Et primum quidem intellectus sedulo custodiendus est à malis duobus: Ignorantia, & Curiositate. Ab Ignorantia, quòd intellectum oporteat esse purum ac lucidum, ut cognoscamus quæ nobis ad superandas passiones affectusque nostros sint necessaria.

Lumen autem quo intellectus ad ista cognoscenda illustratur, duobus medijs acquiritur Prius ac præcipuum est oratio: ut intimis suspirijs invoces ac ores Spiritum Sanctum, pro infusione luminis huius in animam tuam.

Posterius est quotidiana exercitatio, ut omnes res, actiones atque negotia tua accuratè profundeque consideres: non solum secundum exteriorem aspectum,

sed potius in seipsis verè ac intimè. Nam si in hac consideratione te aliquandiu sedulò exercueris facile deinceps intelliges quæ res & actiones bonæ aut malæ sint: quæ itè verè bonæ, & quæ exterius duntaxat appareant esse bonæ. Et hæ quidem posteriores, multa ac splendida bona foris promittunt sed nihil reipfa præstant, nec ullam menti nostræ quietem afferunt.

Quamobrem, dilecte fili, attende diligenter ad ea quæ tibi iam sum dicturus: multum enim te ad feliciter pugnandum iuvabunt. Itaque ut naturam ac proprietates rerum omnium quæ nobis quotidie occurrunt, rectè intelligas, fac sedulò ut voluntatem tuam puram ac liberam serves ab omni motu, affectu ac amore,
qui

qui non diriguntur in Deum aut in media quæ adducunt ad eum.

Nam ut intellectus bonum à malo rectè queat discernere, necesse est ut id faciat priusquam voluntas aliquod eorum eligat vel reprobet. Tunc enim adhuc purus est, ut haud obscure possit cognoscere quid bonum verè sit, quidue malum. Posteaquam autem voluntas in rem aut opus quodpiam consentit: mox impeditur intellectus, ut istud verè cognoscere non possit: voluntatis quippe consensus interveniens, rem aut opus istud usque adeò involuit atque obscurat: ut intellectui longè melior atque splendidior foris appareat, quam revera sit. Et si eam sic voluntati repræsentat, fit ut maiori desiderio eam prosequatur atque
per-

perquirat, five in seipſa verè bona, ſeu mala fuerit. Et quanto voluntatis deſiderium aut amor ardentior eſt, tanto craſſius intellectum obnubilat: Is deinde ſic deceptus, voluntatem ad eandem rem magis amandam invitat. Unde accidit ut hæ duæ præcipuæ potentiæ in hominis anima, tantopere decipiantur ac ſeducantur, ut ſubinde ex his tenebris, in alias, & ex hoc errore in gravioſorem dilabantur.

Proinde diligenter caveas, nè rem aut opus quodpiam appetas amesque, niſi prius adhibitis, intellectus examine, & oratione, ad Deum pro gratia illuminationis, ad iſtud verè cognoscendum, ſitne bonum an malum. Atque hoc non ſolum in omnibus alijs rebus, operibusque faciendum, ſed & in
piis

pjis ac sanctis quia licet hæ poste-
riores in seipsis bonæ sint; potest
tamen contingere, ut propter cir-
cumstantias temporis, loci, mul-
titudinis, aut obedientiæ, tibi
bonæ non sint. Unde sæpe factū,
ut multi suorum laudabilium
piorumque laborum, grave passi
sint naufragium.

Intellectum tuum etiam di-
ligenter continebis à curiositate;
ne quid hauriat, quod te ab ob-
tinenda in hoc prælio victoria
impediat. Curiosa enim disqui-
sitio rerum terrenarum, quæ tibi
necessariæ non sunt, Venenum
est animæ, etiamsi quandoque
permissum sit eas scire. Conti-
neas ergo intellectum tuum qua-
tenus poteris, & coneris eum
reddere insipientem. Novitates
mutationes in mundo magnas
aut

aut exiguas; si ad te nihil attinent, animo exclude. Et quoties ea audire aut spectare oportet, semper in voluntate ijsdem contradicito.

Quinetiam in cognoscendis rebus cælestibus, humilem te semper ac sobrium exhibe; neque aliud quidquam scire desideres, quàm Christum tuum crucifixum, eiusdemque vitam & mortem Reliqua autem omnia abs te repelle: sic facies Domino Deo tuo obsequium gratissimum quoniam ipse inter amicos optimos numerat eos qui nolunt scire plura, quam quæ eis necessaria sunt ad diligendam ipsius immensam bonitatem, & seipsos odio habendos. Quoniam in omnium aliorum rerum notitia inquirenda, latet proprius amor, & quædam pernicioſa superbia.

Si

Si ergo te ab his diligenter custodieris, multas hostium tuorum insidias effugies Etenim malignus ille spiritus attendens constantem voluntatem eorum, qui ad spiritualem perfectionem contendunt, ita ut non possit eos in aliquod peccatum adducere; calidè intruit initio insidias intellectui ipsorum, ut paulatim in ipsum pariter & voluntatem obtineat imperium. Scilicet his qui docti sunt ingenioque pol-
 lent; suggerit sublimes atque subtiles cogitationes, ut se iam putent cum Deo unitos esse; atque sic obliviscantur sui ipsorum, nihilque cogitent de emendatione conscientiarum, de propriæ voluntatis resignatione. Et hinc incidunt in laqueos superbiæ, fabricantque sibi in intellectu;

lectu suo quodpiam velut Idolum propriæ sapientiæ, in cuius consideratione tantopere se suis cogitationibus involuunt, ut aliorum consilijs se nullatenus indigere iudicent.

Huiusmodi sanè homines in gravi versantur periculo, difficulterque curari possunt. quod superbia intellectus periculosior multo sit quàm voluntatis. Nam qui sola voluntate, superbit, is non omittit obedire quandoque, quia aliorum iudicia præfert suo, æstimatquè meliora. Qui autem superbit intellectu, atque apud se statuit, suam sententiam meliorem esse sententijs cæterorum, quis eum emendare poterit? Nunquam enim se submittet sententiæ aliorum, dum putat se rectius sapere illis.

lis. Quippe si intellectus (qui animæ oculus est, quo superbiam in ea latentem, videre debet atque corrigere) ipsemet cæcus, omnique superbia plenus sit: quis eum umquam emendare poterit? Si lumen ipsum tenebræ sunt, ipsaque regula curva est, intelligis facilè quid inde sequatur, & quis eorum finis futurus sit. Tempestivè ergo te huic superbiæ oppone antequam occupet intima tua; & noli intellectui tuo habenas laxare, sed subijce eum consilijs, iudicijsque aliorum: & fias apud te ipsum stultus propter amorem Dei: sic eris sapientior ipso sapientissimo rege Salomone.



CAPUT V.

*De voluntate: deque fine in quem
omnes actiones nostras debe-
mus dirigere.*

Dilecte fili, si optas unus cum
Deo fieri spiritus, non sufficit
pia promptaque voluntas quod-
libet bonum faciendi: nisi à Deo
excitatus atque adiutus, totum
quod agis, etiam ad beneplaci-
tum honoremque ipsius retule-
ris. Qua in re nobis multum
certandum est cum natura no-
stra, quæ in omnibus actionibus,
omissionibusque nostris; propri-
um suum commodum aut com-
placentiam quærit, præsertim in
bonis spiritualibus. In his enim
vel maximè seipsam gestit quæ-
rere. Unde si ei quodpiam bo-
num,

num, ad Dei bene placitum accommodatum proponitur; promptè quidem illud agendum suscipit; at non propterea quod placeat Deo, aut ab ipso proveniat sed quia novit utilitates ac commodà quæ contingunt homini facienti voluntatem Dei.

Quamobrem ut ex hoc, diaboli laqueo te extrices, eumq; deinceps, tamquam perniciosum impedimentum in via perfectionis sedulò caveas: atque paulatim advescas omnia agere aut omittere quòd Deus sic iubeat: eaque sola intentione, facias, ut ipsi placeas. (qui omnium actionum nostrarum initium & finis esse debet.) Idcirco ad ea, quæ tibi iam dicturus sum diligenter attende.

Si occurrit tibi quidpiam
C2 facien-

faciendum, quod divinæ voluntati congruit; non antea voluntatis tuæ consensum ad illud faciendum adhibebis, quàm intellectum tuum in Deum intenderis? indeque manifestè cognosceas, esse Dei voluntatem ut illud facias: & esse quoque voluntatem ipsius, ut id facias dumtaxat propter ipsius honorem ac beneplacitum. Quodque voluntas tua à divina eò moveatur, ut istud opus hac intentione & causa sola facias quòd ipse Deus sic velit, propter honorem ac gloriam suæ sanctissimæ Majestatis.

Similiter si quid per voluntatem tuam vis omittere aut repellere tamquam inconveniens divinæ voluntati, non statues illud apud te, donec oculum intellectus

lectus (ut modò declaratum est)
in Dei voluntatem direxeris.
Deinde observa te ipsum diligen-
ter ne decipiaris: quoniam vide-
beris tibi sæpè hoc, illudve age-
re aut omittere propter volun-
tatem ac beneplacitum Dei: cùm
aliud in te lateat. Natura enim
nostra adeò occultè seipsam, in
nostris studijs & actibus quæ-
rit: ut quæ putas tibi ob soli-
us Dei amorem placere aut di-
splicere: in ijsdem potiùs tuam
utilitatem solùm spectes.

In principio itaque omnium
actionum tuarum exclude ac re-
pelle abs te quatenus poteris om-
nem intentionem, cui aliquid
privatæ utilitatis admixtum est:
nec agere aut omittere quidquam
incipias donec interiùs in ani-
mo tuo cognoscas, solam Dei

voluntatem ac beneplacitum te
movere & impellere, ut opus
istud aggrediaris atque perfici-
as.

Si autem otij ac tempo-
ris tantum habere non possis,
ut ante unumquodque opus fa-
ciendum, huiusmodi intentio-
nem, causasque moventes in te
excites ac ponderes: cura saltem
ut quando per diem dabitur oc-
casio, huiusmodi intentionem
in te suscites: scilicet. quod in
omni actione & omissione tua,
solum Dei beneplacitum, hono-
remque spectare velis ac quæ-
rere. In negotijs autem quæ ali-
quam temporis moram postulant,
intentio ista omnino & expresse
ante principium eorum debet
animo concipi. Quinetiam in
negotijs quæ aliquandiu durant,
isthæ

isthæ intentio à principio usque ad finem aliquoties iteranda est; ne post initium, alia fortasse intentio in animum tuum tacite irrepat: utque sic effugias occultas fraudes naturæ tuæ, quæ nimium prona est ad quærendum commoda sua: adeò, ut tamenetsi bona, puraque intentione opus cœperis; ipsa tamen in operis medio istam tuam intentionem bonam invertat, & seipsam: id est, pro honore Dei, suam quærat utilitatem ac honorem,

Omnis ergo Dei servus; qui in hac difficili pugna non egerit vigiles excubias, sæpe opus bonum incipiet, cum intentione implendi voluntatem Dei, iuxta ipsius divinissimæ Majestatis beneplacitum. Sed postea,

priusquam animadvertat, opus istud ipsi tantopere propter seipsum placere incipit; ut voluntatis gloriæ ac honoris Dei prorsus obliviscatur. Sensim quoque à proprijs oblectationibus, commodis, honoribus (quæ ex isto opere percipit aut expectat) usque adeò conturbatur, fascinator, abstrahitur; ut si Deus ipsum aut per infirmitatem, aut per homines, aut modo quocumque alio ab istis privatis commodis impediatur, protinus vehementer conturbetur, tristetur, inquietus reddatur: valdeque difficulter seipsum revocare possit, ut redeat ad primam intentionem suam, faciendi quod Deus iussit pro ipsius solius honore ac gloria.

Quam quidem intentionem valde sollicitè custodies in omnibus

bus actionibus & omissionibus tuis. Vix enim credas quantum roboris, virtutis ac meriti ea afferat. Nam minima quoque & quantumlibet vilia opera, hac intentione (ut placeant Deo propter honorem nominis sui) ab homine facta; plus apud Deum valent atque merentur, quam maxima quæque opera sine hac intentione præstita.

CAPUT VI.

*De duplici voluntate in homine:
& earum continua inter se
pugna.*

Scire oportet te, dilecte fili,
duas in nobis esse voluntates:
alteram rationis, quæ rationalis,

& superior voluntas dicta est: alteram sensualitatis, quæ dicitur sensualis ac inferior voluntas. Itemque sensualitas, appetitus, concupiscentia, caro, passio, & alia his similia.

Et licet utraque hæc voluntas in homine sit; tamen cum ob solam facultatem rationis homines dicamur ac simus, numquam aliquid voluisse dici, haberique debemus: quod sola sensualitas appetit donec superior voluntas nostra quæ cum ratione coniuncta est, in istud consentiat, ac pariter velit.

Ex hac varietate oritur universa nostra spiritualis pugna. Nam cum superior voluntas nostra ac ratio, media sint inter voluntatem Dei, quæ supra eam est, & sensualitatem, quæ
sub

sub ea est, ipsamque indesinenter ad malum tentat ac alliecit: Idcirco utraque & Dei voluntas, & sensualitas nostra, contendunt voluntatem nostram ad suas partes pertrahere, & nunc quidem illa, nunc hæc eam sibi subijcere & obedientem reddere molitur.

Nihilominus omnibus hominibus, qui aut virtutibus verè sunt præditi, aut é contrario in peccatis suis perseverant; pugna ista haud difficilis accidit: Qui enim virtutibus sunt præditi, hi post quam Dei voluntatem intelligunt, mox eidem consentiunt, obmurmurantemque sensualitatem compefcunt. Impij autem contra; sensualitatis suæ appetitum sequuntur, & contradicentem voluntatem Dei non audiunt.

diunt. Sed illis qui hætenus quidem peccatis fuerunt dediti, nunc autem ea deferere, atque à mundi & carnis suæ delictijs, (ut deinceps in amore ac cultu Dei & Domini nostri Jesu Christi, vitam piè transigere queant) semet proponunt segregare: pugna hæc (maximè in principijs) satis difficilis accidit. Quoniam interior inspiratio ac pulsus, quem ipforum ratio superne a voluntate Dei suscipit: & graves contradictiones seu motus adversantes, vel tentationes, quas inferne à sua sensu- alitate debet tolerare; utrinque tam potentes sunt, ut ratio inde in graves redigatur angustias.

Nemo autem se feliciter pugnare arbitretur, Deoque dignè ser-

fervire, nisi probè instructus ac paratissimus sit ad æquanimiter tolerandos omnes dolores, quos ob derelictas priores suas voluptates transitorias perniciosasque in seipso experitur. Etenim inter alias hæc præcipua causa est, cur multi ad perfectionem veram non perveniant, quod doloribus, quos in principio conversionis suæ & derelictionis pravorum affectuum ac desideriorum, in seipsis præter spem sustinent; nolunt resistere, nec contra eosdem (quod more truculentorum militum per insidias ipsos invadant) rationis gladio volunt pugnare; sed potius miserè turpiterque dant terga, armaque abijciunt, & in hostium manus, durius deinceps tractandi denuò se victos tradunt.

Et hinc deprehenditur quidam valdè periculofus, nec minùs perniciofus dolus, quem perpauci animadvertunt. Multos enim videre liceat, qui dum vitam fpiritualem inchoant; feipfos plus æquo diligentes, initio actiones fufcipiant quæ ipsis præ alijs gratæ funt: cum potius hanc vitam inchoare deberent à nòtitia naturalium affectuum ac defideriorum fenfualitatis fuæ: primumque contra ifta certamen fubire ac profequi, donec rationis imperio ea penitus, quatenus in hac quidem vita fieri poteft, fubieciffent.



CAPUT VII.

De pugna contra affectus sensualitatis: deque interiori exercitatione voluntatis ad comparandas virtutes.

QUotiescumque ab appetitu sensualitatis tuæ te sentis tentari, confestim animum tuum vertas ad Deum, qui te sic excitat: quantumque vales repugna. Ut autem in hac pugna contra sensualitatem tuam victor evadas, varijs modis contra eandem te instrues.

Primò mox ubi tentatio à sensualitate exurgit, fortiter eam repelles, ne superior voluntas seu ratio, in eam consentiat.

Deinde cum aliquam talem tentationem sic superaveris atque

que reieceris, denuò eandem in te fuscites, & pari fervore ut antea eam repellas. Idemque; fac iterum, iterumque: ut toties maiori zelo eandem abomineris-repellas, atque contemnas. Et hunc conflictum fuscipies cum omnibus tentationibus, affectibusque inordinatis Sensualitatis tuæ, præterquam cum carnalibus: de quibus, dicemus inferius suo loco.

Postremò assumes tibi exercitia virtutum illarum, quæ tentationibus vitiorum istorum adversantur. Verbi gratia. Tentaris ab impatientia: cumque mentem tuam ad interiora revocaveris, apertè cognosces, tentationem hanc impatientiæ incessanter pugnare, contendereque cum voluntate superiori seu ratione

tionem tuam, ut eam pugna deterreat, & ad consensum pelliceat. Propterea tantò pertinacius rationis tuæ virtute eidem tentationi contradices ac repugnabis, ne in eam consentiat: atque ab hoc labore repugnandi non desistes, donec hostem in te senseris devictum, ac tibi iam in captivitatem traditum.

Sciendum tamen est, hostem nostrum, cum nos huiusmodi passionibus ac desiderijs constanter viderit rebellare, perfida calliditate ab iisdem suggerendis nonnumquam desistere: Quodque amplius est, si eas quandoque in nobis fuscitatas conspiciat, mox iterum suppressit, ne si frequentius rationis beneficio contra easdem dimicaverimus, istas nobis virtutes comparemus, quæ huiusmodi passionibus sunt contrariæ.

Quamobrem cautum te esse oportet, ne occasio acquirendi virtutes, in te negligatur. Si ergo cum hoste inducias statuisti, & iam apud temetipsum quietus es; revoca tibi ipsi in memoriam tentationes iam superatas & exclusas: simulque & cogitationes malas quas ante illud tempus habuisti, in te instaure, atque erga easdem sic te geras, ac si consentire, ijsque victoriam velut concedere velles: simulque diligenter attendas quænam argumenta, quasque rationes hostis malignus tibi suggerat, ad quod malum te instiget, & quomodo eius pravis suggestionibus apud te cogites morem gerere. Cumque inter hæc fenseris cordis motus in te ascendere & augeri: cogitationesque malas iam pro-

pè

pè tibi dominari; adeò ut & ratio ipsa quasi consensisse videatur; tunc pedem mox retrahere, & magna vi fuscita in te cogitationes bonas, istis malis contrarias, & quidquid hæ tibi mali fuggerunt, audacter pernegare. Et huiusmodi conflictum utrarumque cogitationum, toties, tamque diu in te renoves, donec sentias te iam totum teipsum vicisse.

Sed præterea sciendum, etiamsi hostes nostros fortiter pugnando; quod pium, iustumque est, superaverimus: nondum tamen nos ab eis securos esse, donec odio perfecto eos oderimus. Quod odium contra eosdem ut in nobis excitetur, crescat, perficiatur: oportet eos, id est nostros pravos affectus iterum iterumque
in

in nobis fufcitare, & ad certamen provocare, ut fubinde cum maiori indignatione ac tedio fpiritus eos repellamus & abominemur, donec verum ac confans odium erga eofdem in nobis experiamur.

Ut verò animam tuam etiam ornare poffis virtutibus, non fufficit te cum prædictis exercitationibus fpiritualibus pugnare contra paffiones, affectusque malos: fed oportet te quofdam etiam affectus bonos & exercitia virtutum, ijsdem paffionibus contrariarum fufcipere, in ijsque fedulò, frequenterque occupari. Hoc ferè modo. Si quis tibi caufam dedit impatientiæ: non fat erit impatientiæ motus, iuxta præcedentem doctrinam fuperrare ac repellere: fed optare quoque

que debes ac petere, ut ab eadem persona, quæ tibi molestiam intulit denuò eodemque modo sæpius turberis: quinetiam te ipsum compelles, ut molestiam istam gratam habeas: propositumque concipies huiusmodi molestias plures, ac graviores deinceps sustinendi. Quodque his amplius est, etiam coges te, ut cum ea persona, quæ tibi molestiam, è qua ad impatientiam concitatus es. intulit: amanter, suaviterque loquaris; eique in omnibus gratificandi, inserviendique promptitudinem deferas.

Ac licet huiusmodi exercitationes tibi valde difficiles fuerint, tamque frigidè abs te præstari videas, ut ipsemet deprehendas, eas contra voluntatem tuam à te fieri, nullatenus
tamen

tamen eas intermitte. Quamquam enim difficiles tibi sint, conservant te tamen fortem & audacem in prælio; viamque parant ad victoriam.

Præterea attende tibi diligenter, ut non solum contra graves ac vehementes tentationes contraque manifesta scelera sic pugnes: sed & contra quolibet levissimas, minimasque inordinatas passiones ac motus. Hi enim istis gravioribus fores aperiunt, viamque sternunt, ut nos incautos invadant, & ad pessima quæque vitia sollicitent. Contingit enim his, qui levioribus motibus seu tentationibus ad vitia, negligentius resistunt, ut postea frequenter & ex improvviso ipsos invadant multò graviores tentationes & impetuosius quidem quam umquam antea. Tan-

Tandem quoque tibi pug-
nandum est contra affectus &
desideria rerum licitarum, ho-
nestarumque, quas scis tibi non
esse necessarias. Inde enim &
exercitator redderis in palæstra
hac spirituali; & gratum Deo
præstabis obsequium.

Dilecte fili, apertè tibi nunc
dico, si iuxta præscriptos mo-
dos teipsum in hac spirituali pu-
gna exercitaveris, futurum bre-
vi, ut adiuvante gratia Dei, to-
tus spiritualis efficiaris.

Reliquas verò exercitatio-
nes, etiamsi, tibi laudabiles vi-
deantur, tantaque cum suavitate
ac dulcedine mentis abs te fiant,
ut iam putes te cum crucifixo
tuo Domino Jesu Christo fami-
liariter velut colloqui: velim
tamen tibi persvadeas, numquam
istas

istas delectationes te iuvare ad consequendam perfectionem spiritus.

Nam sicut vitia in nobis inde originem trahunt, quòd superior voluntas seu ratio nostra, inferioribus affectibus sensualitatis morem gerit atque indulget: Ita è contrario generantur in nobis Christianæ virtutes, si voluntatem nostram sæpius divinæ voluntati submittimus, eique morem gerimus ac obtemperamus.

Et sicut voluntas nostra non potest bona, Deoque placens esse, (quantumcumque bonas ac sublimes inspirationes à Deo accipiat, & ab eius voluntate ac gratia ad faciendum bonum impellatur) nisi eisdem Dei operationibus in se consentiat: ita & eadem volun-

voluntas nostra numquam potest dici mala & aliena à Deo (quantumcumque graviter ac diu à sensualitate tentetur, turbetur, impellatur) nisi eidem consenserit.

CAPUT VIII.

Quid faciat, cui videbitur superior voluntas sua seu ratio, ab inferiori voluntate seu sensualitate, iam devicta, eidemquè omnino subiecta.

Dilecte fili, si tibi nonnumquam videatur voluntas tua superior seu ratio, in pugna contra sensualitatem tuam nihil efficere; quòd nullum efficacem motum contra prauos affectus in te deprehendas; noli turbari, sed viriliter persiste, constanter pugnare ne cesses. Nam quamdiu ratio tua

se à consensu in istiusmodi affectus sensualitatis tuæ cohibet: tamdiu tu hostibus superior es in prælio, melioraque eis obtines.

Non enim tibi necessum est, ut omnes affectus ac motus sensualitatis in te, rationis tuæ imperio mox acquiescant: nec in hoc nostra consistit victoria, ut nullos prauos motus sensualitatis in nobis sentiamus, sufficit autem quòd ratio ac voluntas nostra (quantumcumque sensualitas inordinatis motibus suis in nobis sæviat) semper possit facere & omittere, tractare, velle ac desiderare quodcumque, quando, quomodo, quoties, & ex causis quibuscumque voluerit, Quinimò nec diabolus ipse, neque mundus totus voluntatem hanc nostram umquam cogere possunt.

Et

Et licet nonnumquam eveniat ut hostes tui ex improvise & cum tanto impetu ac violentia in te irruant, adeò ut ratio tua tempus non habeat, cogitationes ac exercitia pia, quæ istis violentis motibus repugnarent; in seipsa fuscitare; tantùm tunc utere lingua tua, & dic: *Non, non credo tibi, Nolo te, Non consentiam tibi in hoc in æternum.* Sic, inquam, te tunc geras, sicut qui ab hostibus suis exterioribus ex improvise obruitur. Is enim cum se capulo gladij tueri non potest, resiliat aliquantulum ut locum & tempus habeat, gladium suum evaginandi, & hostem cuspide petendi. Resilias ergo & tu, ut habeas tempus agnoscendi vitæ tuam; videlicet quòd ex teipso nullatenus possis superare

rare: simulque spem atque fiduciam omnem collocandi in Deum qui potest omnia. Atque tunc validum ictum hosti inflige, dicens: *Domine adiuva me. O Deus meus succurre misero mihi. O Jesu. O Maria, dignissima mater Dei, fer opem periclitanti.*

Et si quid temporis habeas reliquum, poteris voluntatem tuam, ne vincatur, intellectu tuo, nonnihil iuvare: considerando ea media, quibus ipsa voluntas tua contra hostes suos corroborari possit. Ut si quandoque contingat te propter aliquam tribulationem, gravi impatientia affici, aded ut voluntas tua eam ferre aut dissimulare neque velit, neque possit: confestim suscipias sequentes cogitationes.

Primum, nam adversitatem.

banc

hanc commerueris: & si inve-
nis te eam commeruisse, aut
causam ei dedisse; protinus
quiescas animo nec porro turbe-
ris: quoniam æquum, ac iustum
est, ut vulnus, quod tuis ipse ma-
nibus tibi inflixisti, patienter
sustineas.

Deinde. Si intelligis te ad-
versitati huic causam non de-
disse, tunc convertes oculos
mentis tuæ ad alia peccata tua,
ob quæ Deus te nondum pro me-
ritis castigavit, nec tu teipsum
hactenus ut debueras, afflixisti.
Inde colliges: quod benignus ac
misericors Deus, tibi vel pœnam
æternam, quam in inferno, vel tem-
porariam, quam in Purgatorio su-
stinere deberes: in hanc pater-
nam ac mitem castigationem
commutaverit. Proptereaque æ-

quissimum esse, ut non solum placida mente sustineas, sed & pro tanto beneficio eidem gratias agas,

Tertiò, si tibi videbitur, te pro levibus peccatis satis magnam duramque poenitentiam egisse: (quod tamen numquam apud te statues (iterum cògita, neminem in regnum cælorum posse intrare, nisi per angustam portam abnegationis sui ipsius, & patientiæ in variis tribulationibus. Nam & Christus Dei filius, salvator noster omnesque Sancti Dei per hanc solam viam ingressi sunt in cælestem illam patriam,

Quartò, etiamsi posses per aliam viam intrare in regnum cælorum, tamen charitatis iure ac debito, istud nequaquam optare debes.

bes. Nam filius Dei, ex amore tui, & propter patientiæ exemplum per spinas & crucem ingressus est in gloriam suam.

Quintò apud te statues, inter omnes meditationes, quantumcumque pias, in quibus te excerceri oporteat, ut voluntatem tuam in his, aliisque euentis ac necessitatibus tuis quàm optimè confortes; hanc præcipuam ferè esse, si cogites quantum gaudium atque lætitiā capiat Deus, quam celebre festum agat, quam largo te prosequatur amore: si te videat nomine, suo tam strenuè pugnare. Non potest enim ipsi quidquam gratius abs te fieri, quàm si prava in te desideria mortifices ac eradices, & è contrario virtutum studia secteris idque propterea,

D4

quia

quia scias ipsius hanc esse voluntatem ac beneplacitum.

CAPUT IX.

De occasione pugnae non fugienda.

Dilecte fili, omnibus tibi à me hactenus propositis medijs, ad consequendas virtutes, addo, tanquam memoriale quoddam, ne occasiones pugnae tibi occurrentes, metuas atque declines. Nam si virtutem quampiam (exempli loco, patientiam) consequi volueris: non expedit tibi, ut te segregeas à personis: vel eas res (ut verba, opera, cogitationes, repellas aut fugias), quae te ad impatientiam, commovent. Non fugias, inquam sed potius optes: queras, ames, conversationem.

tionem ac societatem eorum, qui tibi molestias afferunt. Et quotiescunque tibi cum eis conversandum est; præpara te, tuamque voluntatem serua instructam atque paratam ad quaslibet tribulationes atque molestias, quæ ab eisdem tibi afferri poterunt, patienter suscipiendas sustinendasque. Hoc ni feceris. numquam affuescis ad consequendam patientiæ virtutem.

Similiter si te alicuius operis tæduerit, durumque nimis videatur; propterea quòd vel persona præcipiens tibi displiceat: vel quòd opus ex sese molestum sit: vel quòd per illud ab opere alio, quod faceres libentiùs, impediaris) nullatenus tamen opus istud intermitteres, sed præ cæteris omnibus exequeris, e-

tiamsi te plurimum conturbet
atque divexet. Tametsi etiam
eius intermissio te denuò quietum
placitumque reddat; nequaquam
tamen ab eo faciendo desistes.
Sic enim magis magisque instru-
ctus fies ad assequendam virtu-
tem patientiæ. Ula enim quies,
quam tibi optas, non est recta
ac vera, eò quòd non proficiscat-
ur à corde puro, & ab omni in-
ordinata passione libero.

Idem te moneo ac doceo de
cogitationibus, animum tuum
quandoque turbantibus ac con-
tristantibus. Videlicet, ne eas
umquam à te in totum repellas,
sed ut gratos hospites sedulò
custodias; quia per molestiam
quam afferunt hoc consequeris, ut
omnes adversitates æquo animo
sustineas. Qui te autem, fili mi,
docet

docet aliter, is te potius fugere iubet in tribulationibus, quod à te pugnando quæritur: illam nempe virtutem, quam tu tibi ex victoria de hostibus exoptas.

Cæterum tyroni seu novitio in hac spirituali palæstra, certamen hoc cum pravis cogitationibus cautè subeundum est. Proinde aliquando quidem pugnabit cum ijs, aliquando verò assumet alias: quatenus scilicet has aut illas sibi plus minusve intelligit prodesse ad acquirendas virtutes.

Numquam eiusmodi molestas cogitationes prorsus derelinquet aut fugiet: ut nihil inde turbationis molestiæque in se sentiat. Etiam si enim per fugam earum, impatientiæ occasionem præcidat; nullam tamen in corde

de suo firmitudinem inde nanciscitur adversus impatientiæ motus insurgentes. Quo fiet, ut alias à satellitibus impatientiæ petitus ac territus facilè succumbat; quòd sibi de armis ad præliandum adversus eosdem, non satis antea providit: id est, animum suum non imbuat cogitationibus, consilijsque servandæ in omnibus adversitatibus patientiæ. Et hæc quidem pugna non solum contra impatientiam, sed contra quælibet vitia utiliter suscipitur, præterquam contra carnalia, de quibus inferius præcepta trademus.



CAPUT X.

De pugna adversus subitas tentationes, passionēsq̃ue.

QUINECDUM assuetus est subitas adversitates atque molestias placido vultu animoque suscipere; hoc ferè modo se assuefacere poterit. Nempe si eas intellectu suo diligenter consideraverit voluntateque desideraverit exueri; semperque eas instructus atque paratus expectaverit.

Modus autem adversitates istiusmodi per intellectum considerandi hic ferè est. Attende diligenter statum, vocationemque tuam, locum quoque & personas, ubi & cum quibus te quotidie oportet conversari; sic cognosces facilè quæ tibi eve-

nire possint, & quomodo animum tuum adversus ea corroborare debeas; ne inordinatè turbetur atque succumbat. Et si fortasse contingit alia tibi evenire quàm putabas; præter istam animi tui corroborationem ad illa æquanimiter perferenda; quam tua præparatio modò causavit: Huiusmodi etiam ratione te poteris iuvare.

Statim atque videris vel audieris te contemni, aut molestia, adversitateque aliqua affici, etiam invitus mentem tuam eleva in Deum eiusque immensam bonitatem, dilectionemque erga te considera: sic intelliges, ipsum esse præcipuam causam huius turbationis, angustiaque tuæ, eamque propterea tibi immittere, ut doceat te eam propter
amo-

amorem sui patienter sustinere, faciatque te sibi magis magisque appropinquare perfectiusque uniri.

Posteaquam autem sic cognoveris: esse divinæ Maiestatis beneplacitum, ut calamitatem istam placidè perferas: tunc converte cogitationem tuam ad teipsum, incipiasque te arguere, dicens animæ tuæ: *Eheu, cur hanc abs te crucem abicere contendis, quam tibi non hic aut alius inimicus homo: sed dilectissimus, optimus que Pater tuus imposuit?* His dictis, verte animum ad præsentem crucem seu calamitatem tuam, eam saluta, lauda, amplexare, & quanta potes alacritate & gaudio in te fuscipe.

Quòd si etiam passiones ac motus tam vehemētes in te exur-

Ez

gant,

gant, ut non sinant te mentem ad Deum elevare, sed & vulneraverint te, & iam nonnihil superaverint: nihilominus perseveres tu in proposito tuo, ac si nullatenus superatus esses.

Verum inter alia remedia adversus subitas ac inexpectatas turbationes facile præcipuum est, ut removeas abs te causas, è quibus istiusmodi tentationes existunt. Ut si animadvertis, te ob amorrem alicujus rei facile commoveri animo, si ab ea consequenda impediatis; cura ut amorem hunc erga rem istam animo tuo excludas. Si autem turbatio, vexatioquè tua non ab ipsa re, sed à persona, quæ eam tibi infert, aut procurat, exoritur; eademque persona tibi tantopere invisa est, ut etiam minima quæ-

quæque ab ipsa profecta, te conturbent; tunc remedium erit optimum, ut teipsum, seu voluntatem tuam ad eam amandam compellas.

CAPUT XI.

*De pugna contra carnem nostram,
ejusque prava desideria.*

CONtra hoc genus vitiorum, dilecte fili, novo quodam & priori contrario modo tibi pugnandum est: Sunt autem præcipue ac singulariter tria hic spectanda tempora: nimirum tempus antecedens, concomitans, & consequens ipsas tentationes.

Antequam ergo hujusmodi carnales tentationes in te exurgant, numquam cum eis pugnam

ſuſcipies: Cauſas tamen è quibus oriri ſolent, diligenter vitabis & abſcindes. Idcirco omnem conuerſationem, quæ cum aliqua occasione ad has tentationes coniuncta eſt, fugias quantum poteris, tametsi tibi videatur leviſſima. Non aſpicies huiusmodi homines aut res alias lepidè, non ſalutabis eos amanter, neque manus eorum comprimes: ſed ſi quæ tibi cum aliqua tali perſona tractanda ſunt; ea graviter, feſtinanterq; perages: nec diutius cum ea conuerſaberis, quàm ſola ac nuda neceſſitas poſtulat.

Poſthæc etiam vitabis otium: ſemperque teiſum cautè obſervabis, nè quid cogites aut facias, quod ſtatū tuum dedecet.

Tertiò obediens eris tuo ſuperiori in omnibus, nè unquam

ei contradiceas, sed facias quaecumque iusserit.

Quartò nunquam temerè iudicabis proximum tuum de hoc vitio: & licet ejus peccatum adeò manifestum sit: ut abs te non possit excusari; tamen condelebis ei, omnemque iracundiam & contemptum adversùs eum cohibebis: eiusque lapsum in tuam potius utilitatem convertes: videlicet teipsum humiliando, contemnendo, ac sub terram usque deprimendo: & prae timore contremiscens, Deum ardentissimè ora pro custodia, ne & tu similiter tenteris atque labaris. Si enim tu alios iudicaveris contempserisque, Deus te puniet magno tuo malo: videlicet permittendo, ut & tu in istud vitium prolaboris: indeque discas tuam

superbiam agnoscere, ac te humiliare: indeque cures superbiam istam in te suppressere, & excidere. Nam si superbus sis & non labaris, non leviter de salute tua dubitandum est.

Quintò ac ultimò attendas diligenter, si aliquando per sensibilem gratiam in te, spirituales aliquam consolationem quæsiveris, continuerisque, nè in ea tibi placeas: neuè te inde meliorem iudices: nec putes te inimicos tuos deinceps non superaturos; sed semper sollicitus esto & time, Tempore concomitante tuas tentationes debes attendere nùm proveniant à rebus exterioribus, an ab interioribus. In exterioribus numerantur conversatio, colloquia, lectiones, & studia, quæ ad huiusmodi tenta.

tentationes irritant. Contra quæ omnia non est præsentius, utiliusq; remedium quàm eorum intermissio ac fuga. Cum his enim tentationibus non est suscipiendum prælium sed longè fugiendæ sunt, nè mentem contaminent.

Interiores causæ existunt vel à corpore nostro, quòd nimis vividum ac validum sit: vel à turpibus cogitationibus; quæ nunc à pravis motibus nostris, neglectaque sensuum custodia; nunc à diabolo in nobis. excitantur.

Causas quas corpus nostrum præbet ad carnis vitia, præcedere oportet leiuniis, ciliciis, vigiliis, castigationibus, aliisque mediis asperioribus; quatenus unicuique sua ratio dicat, aut superioris autoritas mandat vel indulget.

E5

Con-

Contra cogitationes autem turpes non sunt media utiliora, quam oratio sancta, meditationes piæ, labores atque negotiorum tractatio, quæ statum tuum deceant. Meditationes autem tuas nolim te instituire de iis rebus, quas plerique in suis spiritualibus libris præferibunt volentibus hæc vitia superare & excidere; nimirum ut initio consideres carnalium vitiorum turpitudinem atque libidinem, quæ numquam queat exfatiari. Deinde grandem ignominiam atque pericula quæ cum iisdem coniuncta sunt. Tandem amissionem famæ, bonorum temporalium, favoris ac benignitatis; Itemque divinæ gratiæ in præfenti & beatitudinis æternæ in vita futura. Tametsi enim
hujus.

hujusmodi meditationes bonæ sint, non conferunt tamen ad horum vitiorum tentationes superandas. Nam cum omnium iudicio, optimum statuatur contra hæc vitia remedium, fuga: ideoque fugere oportet quidquid ullam præbet turpibus cogitationibus occasionem, At in istis, quas dixi, meditationibus, utut intellectus se fatiget pro his vitiis detestandis, tamen cogitationes de iisdem interea infigit memoriæ; ut vehementer timendum sit ne labatur in aliquam earundem delectationem.

Quamobrem insurgentibus tentationibus horum vitiorum, assume tibi potius meditationes de passione ac morte Domini nostri Jesu Christi. Et si tentationes eæ te in his etiam me-

E6 ditatio:

ditionibus, contra voluntatem tuam infestent atque perturbent: aut quomodocumque te contra easdem armaveris; nihilominus semper novam tibi molestiam, deceptionemque intentent; (quod tibi pariter ut aliis facile poterit evenire) nequaquam tamen pusillanimis eris, aut susceptas tuas bonas meditationes intermitteres: neque etiam cum istis te turbantibus cogitationibus ullo modo contendas: sed constanter pergas in meditationibus tuis, & volitantes istas cogitationes turpes quasi ad te nihil pertineant, relinquant, atque exsibiles Hoc enim unicum, optimumque remedium est, impuras istiusmodi cogitationes superandi quantumcumque indesinenter te diuexent ac obruant. Et cave ne unquam

quam cum illis disputes; an confenferis in eas? nec ne? quoniam latet in hac quidam diabolicus dolus, qui sub hac specie boni cupit te illaqueare & involuere. Quod alias, ubi fueris quietior, & hæc tentationes te molestare cessaverint, cognoscere poteris facile à patre tuo spirituali, Cogitationes tamen istiusmodi tuas non intermittere tuo Confessario expressè confiteri: nec te ejus pudeat. Nam ad hostes nostros superandos valdè necessaria nobis est humilitas.

Quod attinet ad sanctam orationem; quæ pariter medium quoddam est contra hæc vitia carnalia, & alia; scire te oportet, elevationem mentis in Deum, esse utilissimam, semperque faciendam cum proposito orandi Deum

um pro victoria contra hos tuos hostes. Caveas verò, ne tentationes has, mentis tuæ cogitationibus coram Deo explices, quasi ostensurus ipsi quæ sit tentationum tuarum malitia & iniuria. Nam ex earum commemoratione, facilis in delectationem de iisdem lapsus est. Et hæc modò tibi in cautelam sufficiant.

Cum tentationes carnales iam te deferuerint, nequaquam in animum induces tuum, deinceps te ab iis fore liberum atque securum: sed continuè tui curam habeas, ne quid eorum, quæ tibi ad easdem tentationes occasionem præbent, in animum tuum admittas: etiam si tibi fortè videatur consultius cum iisdem mente pugnare, propter alicuius boni operis ac virtutis exercitium

tium. Nam in tali perſuaſione latent doli corruptæ naturæ noſtræ & laquei diaboli ad involuendum animum, & pelliciendum ad aliquam delectationem,

CAPUT XII,

De pugna contra accediam, negligentiam, pigritiam.

Dilecte fili, ut ab hoc pernicioſo vitio tutior eſſe poſſis, omnem tuam induſtriam, diligentiam viresque impendas, ut bonis inſpirationibus locum apud te prompta voluntate concedas, omnemque terrenam conſolationem, curioſitatem, & ſuperflua negotia, quæ tuo ſtatui non congruunt, declines.

Cumque pro eo qui in hoc
Ace-

Acediæ vitium lapsus est, non inveniatur remedium præsentius, quàm operari bonum, à quo tamen ipse, ut piger (qui molestiam ac fatigationem potius, quàm fructum laboris considerat) omnino abhorrereat: Idcirco bonum illud sæpe mente versabit, sibi que planè persuadebit unicam mentis elevationem in Deum, unicamque genuflexionem, propter nomen ipsius factam, maioris esse valoris, quàm cunctos thesauros totius mundi. Fatigationem verò ac molestiam, cum labore coniunctam, adeò apud seipsum occultabit, ut longè minora, levioraque appareant, quàm revera fuerint: Ut si tibi quandoque vacandum sit piis meditationibus unica hora tota; idque tuæ pigritiæ nimis diuturnum,

num, atque moleſtum videatur: pio dolo tuo corpori perſvadeas, tantum dimidiatum quadrantem unius horæ te huic labori velle tribuere, moxque ceſſare. Quæ mora ubi tranſierit, iterum corpori tuo perſvadeas, ut paulò diutius ſuſtineat, tunc te ceſſaturum: idque toties repetas, donec hora tota tranſierit, ſicque pigritiam tuam facilè excuties.

Si autem in teipſo experiaris corpus tuum laborem huiusmodi ferre non poſſe; licebit tibi eundem differre in aliud tempus, donec paulatim aſſueſcearis corpus, ut maiori alacritate ac fervorè deinceps ſe ad iſtos pios labores accommodet.



CAPUT XIII.

*Quomodo sensualitatem suam homo
regere debeat.*

Dilecte fili, hoc age quàm atten-
tissimè ut sensualitas tua,
per quam diabolus ingredi solet
in te, sit Ianua vera ac patens,
per quam ad te veniat Deus tu-
us. Et quando tibi cum aliqua
terrena creatura quidpiam nego-
tium est, noli eidem corde adhæ-
rescere sed leva oculum mentis
tuæ ad Deum tuum, qui in cre-
atura illa, tanquam in opere suo,
latet absconditus. Deinde exci-
ta in te quoque memoriam Dei,
& cogita quòd idem ipse Deus,
etiam in te sit: atque tunc cum
ipso sic loqui incipias. *O clemen-
tissime, sempiternæque Deus meus,*

tu mihi semper præsens ades, & penitus quam ego mihimet ipsi præsens sum: & ego non confundor tam obliviosus & ingratus tibi esse, ut tui nunquam meminerim: neque te, eheu, diligam & colam ut debeo.

Alias quoque eleva intellectum tuum. & contemplare summam incomprehensibilemque perfectionem Dei, & lætare in bonis, divitiis, beatitudine ipsius abundantius, quàm si tua solius essent omnia. Exulta quoque gaudio maiori quod ipse sit Deus incomprehensibilis, cuius Maiestatem pervestigare nequeas, quàm si eandem comprehendere, intelligereque posses. Porro si in creatura aliqua rationali observas quandam perfectionem virtutum & dona nonnulla, quæ ipsi à Deo benignè donata sunt: (ut sapien-
tiam;

tiam, intellectum, pietatem, iustitiam, & similia:) non consideratis ea ut sunt in homine hoc, sed reducito ea ad Dominum Deum tuum & dic: *Deus meus, ecce hi sunt rivuli, qui ex te vero ac vivo, æterno, increato fonte dimanant: hæc sunt merces inexhausti maris bonitatis tuæ ineffabilis.*

Si autem te sentis ob pulchritudinem alicuius creature ad complacentiam allici, propius cogitationes tuas à terrena pulchritudinis specie eleva ad pulchritudinem cælestem, in eaque sola te oblecta & dic: *Deus meus, quando venient dies, ut in te solo quædam delectari?*

Aliud remedium pro custodia ab inordinata delectatione in creaturis, sit hoc. Cum te sentis à re quam ad complacentiam, oblectationemque allici,

con-

confestim cum intellectu tuo pondera quàm dolosè infernalis serpens (qui nil aliud quærit quam ut animam tuam aut occidat, aut saltem lætaliter vulneret) sub ista oblectatione lateat absconditus. Proinde ubi hoc deprehenderis, audacter dicito: *Maledicte serpens, quàm callidè hic lates absconditus, ut me tuò venenò inficias?* Et mox eleva mentem tuam ad Deum, dicens: *Benedicta sit bonitas Dei mei in æternum, quia mihi hostem hic latentem, animæque meæ dolosè insidiantem, tam benigne detexit.*

In rebus verò quæ sensualitati tuæ adversantur, doloremque afferunt, ita te ferè exercitabis. Ubi eidem tuæ sensualitati durum quid perferendum occurrit (ut æstus, fames, ægritudo;

do; plagæ & similia;) eleva mentem tuam ad voluntatem illam æternam, cui ab æterno ita placuit, & à qua tunc quoquè decretum fuit, ut tu hanc aut illam calamitatem, hoc tempore & tanto cum dolore patereris, sicut nunc pateris. Idcirco ex cordis tui iucunditate apud teipsum hæc dicito. O sempiternæ, dilectissimequè Domine Deus meus, iam tua in me impletur voluntas, quâ tibi ab æterno placuit, ut hoc eodem tempore, & talimodo, mensura, numero mihi evenirent, quæ nunc sustineo: atque id totum propter honorem ac gloriam tuam, & animæ meæ salutem. Scio enim quod numquam ea mihi evenire permisisses; nisi ad gloriam tuæ Maiestatis illustrandam, & meam salutem plurimum conferrent.

Simi-

Similes quoque cogitationes tibi facies cælo turbido, pluvio, niveo, & in quibuscumque alijs tristibus eventis quæ ab hominibus impediri non possunt. Si quid verò legis quod te delectat, itidem cogitationes tuas convertas ad Dominum Deum tuum, in eoquæ solo te oblectes. Nimirum firmiter apud te statuas, ipsum sub ijsdem verbis, quæ legis sese occultare, tibi quæ suaviter per ea loqui. Similiter quoties in animo tuo cogitatus alicuius complacentiæ ac delectationis, ex quacumque re vel actione bona excitatur; protinus converte mentem in Deum, ipsumquæ summa cum humilitate ac reverentia adora: illudque bonum ab ipso solo profectum agnoscens; toto corde ei pro eodem gratias agas. CA-

CAPUT XIV.

De ordine pugnandi cum hostibus nostris.

IN pugna spiritali contra inordinatos affectus, & quaslibet adversitates, huiusmodi ferè ordo servabitur. Primum ingredi cogitationibus tuis in archivum animæ tuæ, & diligenter dispice, quinam affectus in ea præcipuè dominetur, & à quibus cogitationibus & motibus frequentius tentetur ac molestetur. Dein vertas te contra illum hostem, qui tibi plus molestiarum & periculorum affert, atque iam iam in te manus suas mittit, ut obruat & perdat, ei què viriliter te oppone. Verumtamen tempore quieto, cum à nullo

lo hostium tentaris & affligeris,
tu ipse provoca ad certamen
hostes tuos; potissimum illos qui
tibi præ cæteris molesti sunt,
frequentiusque te decipiunt at-
que turpius coram Deo confun-
dunt.

CAPUT XV.

*Quid faciendum illi qui ab hostibus
devictus, graviterque est læsus.*

Si te contingat ex imbecillita-
te, aliisque defectibus, adeo-
què & nequitia, voluntateque
mala, in aliquod vitium incide-
re; protinus converte mentem tu-
am ad Deum: & primum quidem
tuam ipsius vilitatem ad ani-
mum revoca, tequè ipsum odio
habeas. Deinde te recollige, &

F denuò

denudò ad Deum conversus, ardenti corde confitearis & dic: Domine Deus meus, ecce gessi me qualis sum. Quid enim à me aliud expecta: dum, quàm sordes, lapsus, atque peccata? Doleo, Deus meus ex toto corde meo. Eheu, fateor, quod multò deteriora perpetrasset, graviusque lapsus fuisset; nisi me manus tuæ immensæ bonitatis singulariter custodivissent: pro quo etiam tibi meritò gratias ago, habeoq; quàm maximas. Tu domine Deus meus age mecum secundum divitias miserationum tuarum, ne permittas me extra gratiam tuam vivere, aut sanctissimam tuam Majestatem deinceps offendere.

Hæc ubi corde sincero effudisti coram Deo, noli sollicitè cogitare; an tibi Deus peccatum istud dimiserit? nec ne? quia hæc curi-

curiositas sapit foetidam animi
superbiam, & gravem diaboli la-
queum; reddit etiam te inquietum,
& tempus sine fructu consumit.
Ergò purè teipsum proice in
paterna brachia clementissimi
Domini Dei tui: & resume
exercitationes pugnae, ac si nunquam
lapsus fuisses. Et licet uno die
sæpius labaris, seu ab hostibus
tuis plura vulnera accipias: nullatenus
tamen desperabis aut pusillanimis
eris, aut tibi metues: sed toties
repete confveta pugnae tuæ
exercitia sicut fecisti in principio,
primò, secundò, tertio, quarto,
& quoties opus fuerit.

Hoc genus exercitationis vehementer displicet diabolo,
quòd sciat illud magnopere placere
Deo: & ob id graviter ma-

chinatur, ut nos ad illud frequentandum tepidos reddat. Tu verò contra, hoc maiorem tibi vim facies ad illud frequentandum, quo videtur esse durius atque molestius. Ideoque nec tædebit te illud in quolibet lapsu, & amissa contra hostem victoria, aliquoties repetere. Et licet post lapsum primum, vel alterum ac tertium in te sentias gravemurbationem, confusionem, diffidentiam; tamen contende ante omnia, ut interiorem animæ quietem recuperes, teque solum ad Dominum Deum tuum convertas.

Istam autem animi tui quietem sic ferè comparare poteris, Facta ad Deum conversione & deprecatione peccati contemplare ineffabilem Dei tui dilectionem, qua desiderat summopere, ut te sibi uniat

&

& æternæ beatitudinis participem reddat. Hac autem contemplatione finita, & corde tuo in pia tranquillitate constituto, iterum verte cogitationes mentis tuæ ad lapsum tuum, & facito quod in huius capitis initio docui temporequè confessionis peccatorum (quæ sæpius facienda est) revolve omnes lapsus atquè defectus tuos, eosq; detege ac confitere simpliciter tuo Confessario.



CAPUT XVI.

Quòd spiritualis homo semper debeat habere cor quietum ac lætum in Domino .

Dilecte fili, ut cor tuum in spirituali hac pugna, ab omni angustia ac perturbatione quietum servare possis; diligenter teipsum observa, & fidelem tibi constituas speculatorem: qui cum aliquid quod te possit turbare, molestareque perspexerit: confestim signò datò te præmoneat, ut ad defensionem tempestivè te armare valeas .

Et si contingat (ut solet nimis sæpe) te ex eventu improvise graviter turbari, protinus omnibus negotijs alijs sepositis, contende, ut denuò quietum ac lætum

lætum cor tibi concilies. Quò acceptò, rectius cætera præstare poteris: quia animò turbato ac inquieto nihil efficies: & diabolus occasionem inde sumit te gravius tentandi. Quoniam ipse huiusmodi sanctam animæ quietem seu pacem vehementer metuit, tanquam tabernaculum Dei, in quo ipse multa mira operatur. Propterea quoque pestiferâ suâ astutiâ non omittit nos etiam sub specie boni decipere. Quoniam sæpè in nobis excitat affectus ac desideria bona: sed oportet eos, nè decipiaris, ex fructibus eorum diligenter dijudicare. Nam cor inquietum reddent.

Quare cùm speculator tuus tibi dat signum, adesse quendam affectum bonum, qui cor tuum eupiat inhabitare; cave: nè intro-

mittas eum prius, quàm voluntatem tuam ab eius desiderio totam expoliaveris: eumquè Deo supplici oratione obtuleris, simulque coram ipso tuam ignorantiam ac cæcitatem humillimè confitearis, & attentissimè ipsum invoces ac ores, ut lumen gratiæ suæ tibi benignè impertiat, ad cognoscendum & dijudicandum; an affectus hic bonus à gloriosissima sua Maiestate, an à re aliqua terrena proveniat?

Et semper esto memor subjugationis, mortificationisq; tuæ propriæ naturæ; priusquàm ullum bonum affectum in te admittas, etiam à Deo immissum. Quia gratiora ei sunt opera, quæ ex voluntate tua piè mortificata proveniunt, quàm quæ ex desiderijs tuæ vividiæ Naturæ feceris. Et

sæpe

sæpè plus placet Deo tuæ voluntatis mortificatio, quàm ipsum opus bonum.

Sic expellendo vanos, pravosquè affectus tuos, nec bonos admittendo in animum tuum (quod etiam custodire debes) donec natura tua propria, cum omnibus suis affectibus ac desiderijs suppressa ac mortificata sit, semper quietus exis, & castrum cordis tui tutum ab hostibus conservabis, à crebrioribus reprehensionibus, & afflictionibus interioribus tuiipsius. Istæ enim non semper à Deo, sed & à diabolo quandoquè suggeruntur. Ex fructibus autem eorum cognosces, unde potissimum oriantur? Nam si eæ reprehensiones te humilem atquè quietum custodiunt, diligentiorémquè in bonis operibus

bus reddunt, piamquè in Deum confidentiam non auferunt; tunc eas suscipe tamquam à Deo inspiratas, qui sic ad ianuam cordis tui interiorius pulsat, ut te ipsum discas cognoscere. Si autem te inquietum, pusillanimum, ad opera bona pigrum, & erga Deum diffidentem reddunt; idquè eo præcipuè tempore, quo easdem interiores reprehensiones, afflictionesquè in te sentis, pro certo habeas; non à Deo, sed à diabolo eas tibi suggestas esse. Huiusmodi ergo nè admittas in animum tuum, sed in tuis consuetis pijs exercitationibus hilariter persistas, quasi nihil istarum suggestionum in te senseris.



CAPUT XVII.

*Quòd diabolus hominem sæpè per
pia proposita decipiat, Et à profectu
virtutum impediat.*

PRæter hætenùs detectos dia-
boli dolos, etiam alius hic de-
tegendus est: nimirum pium pro-
positum desideriumque pugnandi
contra præterita peccata gravio-
ra. Id enim propterea homini
suggerit, ut dùm in his animum
suum occupat, suorum quotidia-
norum peccatorum quibus tamen
vehementer oboxius est, obliui-
scatur, nullamquè contra ea pu-
gnam suscipiat. Qui autem suæ
salutis curam habere voluerit, de-
bet præcipuè cum vitijis proximi-
mis certamen subire eaque vin-
cere & à se procul fugare. Quod
quia

quia sæpè negligimus; fit: ut in multa mala prolabamur; ve'ut qui nova semper accipiunt vulnera, & nullam quærunt medicinam. Nam huiusmodi proposita: pro factis reputantes in propriam complacentiam & latentem superbiam incidimus.

Unde cum nè verbum quidem durum, nedùm verbera, placidò animò suscipere, perferre què valeamus, sublimibus contemplationibus vacamus, in ijsque proponimus, etiam purgatorij pœnas, purè propter amorem Dei patienter sustinere. Cùmque ipsorum voluntas inferior sive sensualitas, nihil quod molestum sit doloremque afferat, in se sentiat: tantumquè ad futuras calamitates respiciat, profectò valde ineptè ac temerè sibi imaginantur,

tur, se ex eorum esse numero, qui summè patientes sint & ipso facto multa gravia sustinere pro Deo valeant.

Ut ergo, dilecte fili, dolum hunc effugias, propone tibi, non solum animò sed & ipso facto pugnare cum proximis hostibus tuis, qui & molesti tibi valde sunt, & ipso opere adversantur. Inde facile cognosces, an illa proposita tua vera? an falsa? firma, an debilia sint? Nec possum tibi ullò modò svadere; ut pugnare, contendas contra hostes, qui te non infestant: nisi certò deprehēdas, eos te brevi invasuros. Sic enim tibi licet contra eos pugnare prius quàm in te veniant, ut deinde in ipso conflictu te sentias fortiolem. Nolim tamen tibi ut persvadeas, te per pugnam antecedentem, hostes

G

tuos

tuos iam superasse; nisi multo iam tempore in virtutum studijs exercitatus sis. Nam in hoc casu, permissum est suscipere proposita pugnandi contra peccata præterita graviora. etiamsi leviora nonnulla delicta, ex singulari Dei providentia superare non possimus, ut in humili agnitione propriæ imbecillitatis permaneamus.

Sed qui negligentes sunt in superandis levioribus delictis, putantque se gravioribus facile posse resistere: insigniter vani sunt ac præsumptuosi, inciduntque in laqueos diaboli.



CAPUT XVIII.

Quibus dolis diabolus nos à virtutum studijs abducere moliatur?

Utitur porro diabolus alio quodam astu, ut nos in via virtutum ambulantes, abducatur in devia. Id est, à virtute in vitium. Incidit quidam in morbum aliquem, quem patienter ferre desiderat; diabolus (ne si ita perseveret, virtutem patientiæ consequatur) suggerit ei motus ac desideria huius vel illius boni operis faciendi, si sanitati restitueretur: quodquæ Deo rectius, ac dignius servire, sibi suisquæ, & pauperibus plura officia, beneficiaquæ præstare possit sanus, quam infirmus. Et hæc desideria

in tali infirmo paulatim magisque accendit, donec eum perteritum & impatientem reddat infirmitatis suæ, quod per eam ab istis bonis faciendis impediatur. Atque hoc dolo eum, qui ad virtutem patientiæ sese exercebat, in impatientiæ vitium nequiter præcipitat. Non sub ratione vitij, sed impedimenti quò retardatur ab executione bonorum operum in quæ inordinatè fertur.

Neque hoc satis sed pergit, & eidem infirmo suggesta desideria de bonis operibus, quæ sanus facere posset, rursus dolosè eximit, ipso etiam non advertente: solumque in eo desiderium sanitatis recuperandæ relinquit; aut si eam non propediem obtineat, in gravem tristitiam, & ipsissimam labatur impatientiam.

Con-

Contra hunc ergo nefarii hostis dolum, deceptionemque remedium optimum est; ut in infirmitate, aut alia quacumque adversitate constitutus, sedulo caveas, ne motum, desideriumque in animum admittas ullum, quod non possis quam primum implere: alioqui reddet te sollicitum ac inquietum.

Et attende diligenter, sæpe eum qui labitur in impatientiam, non putare id ei accidere ex sua quam patitur adversitate, sed ex impeditioe ab operum bonorum exercitio, quæ ex ea oritur, Proindequæ impatientiæ suæ causam non refert in ipsam infirmitatem vel adversitatem, sed partim in seipsum, quod eam commoverit, & quasi accersiverit: partim in eos quibus molestus esse

debet etiam invitus: partim denique in omissionem spiritalium exercitiorum.

Ita ambitiosus qui dignitates aut officia quæ ambit assequi non valet; dicit se non sui causâ conqueri & dolere, sed ob necessitatem suorum cognatorum, quos iuvare debeat vel similia. Quòd verò hi se decipiant; manifestum est ex eo, quòd non ita turbantur, cum aliis mediis & personis eisdem contingunt effectus, qui eis molestiam afferre videbantur & sub quibus suum vitium occultabant.

Verbi gratia. Dicis infirmitatem tuam te non reddere impatientem, quòd molesta sit tibi: sed quòd graventur qui in ea tibi ministrant. At si contingeret easdem personas tibi ministrantes,

tes, etiam alijs infirmis ministrando gravari, parum te afficeret. Unde aperte deprehendis, non illorum molestationem, sed tuam ipsius cupiditatem esse causam impatientiæ tuæ. In hunc modum etiam poteris dolos in alijs rebus ac negotijs tuis latentes facillè deprehendere.

Quamobrem te hortor; ut cum tuam crucem patienter tollere possis, nullatenus ab ea liberari desideres; quoniam ex isto tuo desiderio, duo tibi grandia mala eveniunt. Alterum: quòd auferat à te virtutem patientiæ, aut saltem viam sternat ad impatientiam. Alterum: quòd privet te meritò apud Deum, qui brevissimi temporis patientiam, cum propriæ tuæ voluntatis in ipsius Divinam voluntatem resignatione

coniunctam, in opus perfectæ patientiæ reputat.

In his ergo & alijs operibus, negotijquæ tuis omnibus, hanc tibi regulam ferva: ut cor tuum à desiderijs omnibus subtrahas atquæ expurges, nihilque aliud petas, quàm quod Divinæ voluntatì placeat, idquæ cum humilitate atquæ simplicitate. Quò factò in nulla deinceps adversitate facilè turbaberis: quòd nulla tibi accidere possit absquæ beneplacito Divinæ Maiestatis. Atquæ hæc faciens, numquam à via perfectionis aberrabis. Quando autem pro adversitate quam sustines pellenda, mediis quibusdam uti necesse est; sollicitè te observa, nè affectus cordis tui iisdem adhærescat. Nevè iisdem utaris ut ab adversitate libereris:

ris; sed quia Deo sic placeat, ut his mediis utaris. Atque tunc non turbaberis, etiamsi illa tibi non conducant ad liberationem ab adversitate.

CAPUT XIX.

Quomodo adversarius noster insidiosè molietur, ut virtutes nostræ acquisite, nobis occasio sint ad ruinā.

Callidus ac pestifer ille serpens non intermittit nos etiam tentare per virtutes nostras acquisite, ut fiant nobis occasio ad ruinam. Itaque molitur omnia, ut nos ad complacentiam & oblectationem in iisdem inducat. Indeque in nobismetipsis elati, in grave crimen, superbix prolabor.

Ut sis verò ab hoc periculo lapfu tutior, persiste femper in aperto campo, & persevera in vera, humili atquè sincera meditatione vilitatis tuæ; considerans quòd ex te ipso planè nihil sis, nihil scias, nihil possis: nec quidquam aliud in te ipso habeas quàm æternam damnationem.

Curabis quoquè sedulò, ut cogitationes tuas omnes quæ te à tui ipsius agnitione abstrahunt, longe à te repellas. Cum enim istæ à manifestis hostibus suggerantur; persuadeas tibi certò, nisi eas animo excluderis; aut te prorsus enecabunt, aut grave saltem vulnus animæ tuæ infligent.

Quod ut verum esse intelligas, hanc tibi trado regulam. Contemplaturus vilitatem tuam,
non .

non vertes cogitatum tuum ad dona ac beneficia quæ in te sunt; quod ea non sint tua sed Dei: sed ad id quod tuum est, & tunc rectè iudicabis, quantus vel potius quàm vilis sis. Sic autem id efficies: Cogita tempus quod te antecessit: & continuò deprehendes te ab æterno nihil prorsus fuisse: nihilquè etiam te fecisse, nequè facere potuisse, ut vitam aut quamcumquè rem aliam consequereris. Si deinde cogitas tempus, quò aliquid esse coepisti, intelliges pariter te hoc ex Dei solius pura dilectione, benignitatequè accepisse: quia ipse & creavit te & vitam tibi dedit, quam & ipse solus in te conservat: & cuncta quæ habes, scis ac possides. Itaque nè minimam quidem occasionem in teipso in-

venies, unde putes te aliquid esse, aut pro aliquo præ cæteris habendum.

Iam quod attinet ad statum tuum gratiæ & virtutes ad benè operandum tibi datas: si natura tua omnî divinò auxiliò privetur nunquid quidquam boni per se operari poterit? Si præterea verteris cogitatum tuum ad multa tua opera mala & peccata, atquè ad alia peiora quæ indubiè perpetrasses, nisi Dominus Deus noster dexterâ suæ Divinæ gratiæ te custodivisset, impedivisset, abstraxisset, cognosces facilè, impietatem tuam: tum propter longitudinem temporis, quò eidem immerfus fuisti, tum ob multitudinem iniquorum factorum, pravarumquè affectionum tuarum; tam grandem esse,

ut nequè numerari, nequè verbis
exprimi possit; & ita quasi alter
Lucifer infernalis iam sis, aut
certè fieri potueris. Quamobrem
nisi velis esse fur aut sacrilegus,
qui Domino Deo sua bona fure-
tur, sibi què attribuat; sed cupis
omnino esse ac haberi is qui
revera in te ipso es; iure debes
te ipsum de die in diem ac sem-
per deteriorem æstimare.

Attende tamen diligenter,
hanc agnitionem confessionemquè
tuæ propriæ vilitatis coniunctam
esse debere cum iustitiâ: alioqui
tibi plus noceret, quàm prodesset.
Nam si in tali agnitione tui-ipsius
superaveris aliquem, qui ob suam
cæcitatem se putet aliquid esse,
ac pro tali ab alijs haberi cupiat:
indequè velis; ut homines te ha-
beant pro aliquo, quem tu pri-

mum perdidisti, & longè deterior es illo. Propterea ut agnitio vilitatis, malitiæquè tuæ vera sit, tequè Deo acceptabilem reddat, non solum tu teipsum vilem ac impium agnosces, sed & talem te geres atquè tractabis: & ab alijs pro tali haberi, tractariquè desiderabis.

Et si quandoquè contingat, ut propter aliquod bonum opus, quod Dominus Deus per te dignatus est operari, bonus habearis, ameris, lauderis; cautus esto, nec te patiaris à prædicta agnitione verissimæ vilitatis tuæ ullatenus abduci: sed convertas te in corde tuo ad Dominum Deum, & dic: *Domine Deus meus, ne permittas, ut in mentem mihi veniat, furari tuam Divinam bonitatem.* Deinde vertas te ad illum
qui

qui te laudavit, & dic intra te-
ipsum. Quid iste me bonum aesti-
mat, cum revera nemo bonus sit,
nisi solus Deus meus: Hæc si fece-
ris, verè Deo reddis quod ipsius
est, & te ad maiorem gratiam
accipiendam disponis.

CAPUT XX.

*Vt in pugna spirituali nunquam no-
bis blandiamur de hostibus devictis:
sed solitas nostras exercitationes
subinde iteremus, velut adhuc esse-
mus tyrones in hac spirituali
palæstra.*

Dilecte fili, præter universa
hactenus à me tibi dicta, unius
adhuc te admonere debeo: nem-
pe: ne tibi persuadeas umquam,
te passionum tuarum aliquam
peni-

penitus superasse; quod longo fortasse tempore, nullum illius motum in te senseris. Sed subinde renova tuas solitas exercitationes spirituales tanquam tyro, seu parvulus modò natus ad pugnam, qui in ea se ante hæc numquam exercuit.

Quod quidem tunc maximè faciendum est, quando perfectionem eam, ad quam nos Deus vocavit, sectari volumus. Quoniam tam copiosa ac sublimis ea est, ut numquam dicere possimus, quod vel prima saltem initia ad eandem in nobis posuerimus, præterquam quod nonnumquam vitium, ex deceptione latentis superbix nobis virtus esse videatur.



CAPUT XXI.

De Sancta Oratione.

Dilecte fili, hætenùs, iuvante Deo audivimus ac didicimus de diffidentia sui ipsius, de confidentia in Deo, & de exercitatione. Quæ media tria nobis necessaria sunt ad consequendam victoriam adversus passiones ac motus inordinatos sensualitatis nostræ. Sequitur nunc quartum medium eò necessarium, sancta oratio: quæ inter cætera optimum ac efficacissimum est, ad obtinendum à benigna, largaque manu Dei quodcumquè bonum. Ut autem oratio tua grata & efficax sit: has ferè condiciones seu proprietates habebit sibi iunctas.

Pri-

Prima: ut in corde tuo semper ardeat singulare desiderium, Domino Deo tuo ita serviendi ut ipsi quàm maximè placuerit.

Secunda, ut sit in te vera ac constans fides, Dominum Deum daturum omnia, quæ ad ipsius cultum, & salutem tibi sint necessaria.

Tertia, ut ad S. orationem non aliò propositò accedas, quàm ut Dei, non tua voluntas impleatur, idquè tam in petendo, quàm in impetrando. Videlicet: nè te ad orandum quidquam aliud moveat, quàm quòd Deus velit; ut ores; nèue ob aliam causam cupias exaudiri, quàm quòd ita placitum sit apud Deum. Breviter: totum tuum propositum erit, ut petas voluntatem tuam conformari cum voluntati-

luntate Dei: & nequaquam tentes voluntatem Dei flectere secundum voluntatem tuam.

Quarta, ut oratio tua semper iuncta sit cum cæteris supradictis spiritualibus exercitijs, ita; ut nullum sine altero suscipias. Tametsi enim diu, multumquæ Deum pro consequenda aliqua virtute ores, & nullam exercitationem pro eadem comparanda adhibeas; nihil aliud agis, quàm quòd Deum tentas, & nihil impetras. Postquam autem oraveris ad Deum, mox excita in te spem vivam atque constantem in ipsum, quòd ex ineffabili dilectione sua tibi petitam gratiam seu donum, aut aliud eò præstantius, vel utrumque simul daturus sit, Et quamquam tam diu fortasse differat dare,

dare, ut putes te nihil impetraturum: tamen hanc spem constanter in te retine: nec umquam orationem, aut exercitationem, aut fiduciam tuam propterea intermitte,

Quinetiam si tibi videatur, quòd Deus te ab oratione repellat: nihilominus te ipsum magis magisque ante conspectum eius humilia; simulque fidem ac spem in ipsum in te adauge & conforta. Nam quo frequentius, etiam in vehementi huius modi repulsa, ac manifesta quasi reprobatione orationis tuæ, restiteris, spemque constantem conceperis; hoc quoque gratius obsequium præstabis Deo. Sed & semper gratias ages Deo, atque non minus sapientem, prudentem, benignum: amantemque tui; ipsum iudica-

indicabis, quando te ab ipso non exauditum arbitraris, atquè cùm obtines quod petisti. Itaquè semper esto constanti animò ac lætò quodcumquè tibi eveniat bonum aut malum: humiliterquè te infallibili sapientiæ, providentiæ què divinæ submitte.

CAPUT XXII.

De sensibili devotione, Et contraria ariditate ac derelictione fidelis animæ.

Sensibilis devotio quandoquè oritur à naturali inclinatione ad eam; quandoquè à diabolo, alias ex Deo. A quo autem horum potissimum proveniat, ex fructibus eius cognoscendum est. Si enim inde non permoveris
ad

ad vitæ tuæ emendationem: meritò dubitabis an ex diabolo, an verò ex naturali tua inclinatione orta sit? & quo maiorem ea in te favitatem conciliat, hoc amplior erit dubitandi ratio undenam orta est.

Cùm ergò sentis animum tuum spirituali dulcedine repleri: nè disputes: unde profecta sit? sed nec eidem inhæreas, ac nullatenus ab agnitione propriæ tuæ vilitatis desistas: sed cor tuum ab omni eo cui adhærescit, vehementi spiritu abstrahas: nihilquè aliud desideres unquam nisi solum Deum, eiusquè; divinum beneplacitum. Ita fiet: ut momentaneæ istæ dulcedines te non decipiant, & si vel à naturali inclinatione, aut à diabolo ortæ sint, vertantur tibi in gratiam,

am, utilitatemq; non parvam afferant.

Ariditas quoque seu desolatio animæ oritur aut ex naturali defectu nostro, aut à diabolo, aut à Deo. Et à diabolo quidem immittitur, ut animam reddat tepidam frigidamque, & à spiritualibus exercitijs, abstractam, ad quærenda terrena solatia abducatur. Ex nobis ipsis oritur, aut propter peccatorum admissorum meritum, aut ob tædium spiritualium exercitiorum. Denique immittitur à Deo, ut per eam nos excitet ad maiorem diligentiam in spiritualibus exercitijs, & à curis atque negotijs, quæ non aut ad ipsummet Deum, aut ad ea, quæ nos in ipsum dirigunt, referantur, absterreat: Indeque nos sibi arctius uniat, pariterq; instruat, nec in spiri-

spiritualibus quidem gaudijs si eveniunt; quiescendum, nequè ea appetenda, sed ex solo nos ipsius beneplacito pendere, viverequè debere, sicut ille qui dixit. *Dominus dedit, Dominus abstulit: sicut Domino placuit, ita factum est.*

Cum senseris ergo huiusmodi ariditatem animi tui, excita mentem tuam ad disquisitionem causæ, unde ea eveniat? Cognitâ causâ, adhibe prædicta arma, & pugna adversus eam: non tamen eò propositò, ut sensibilem illam gratiam denuò recuperes sed: ut abs te removeas quidquid oculis Divinæ Maiestatis displicet.

Adhæc: sedulò cures, nè in ariditate ista animæ tuæ, solita tua exercitia pietatis intermittas, sed maiori etiam dilig-

gentiâ prosequi contendas. Et quamquam tibi videaris frustra laborare, tamen animô tranquillo ac promptô bibas hunc calicem desolationis tuæ. Si etiam is usquè adeò crassis fœcibus turbatæ mentis permixtus sit, ut quò te omninò vertas, planè ignores: nihilominus alacriter persevera solitarius atquè desertus sub Cruce Sancta: nec quære gaudium exterius, tametsi tibi à toto mundo, vel quacumquè creatura offeratur. Celare enim debes hanc crucem tuam omnes homines, præterquam tuum Patrem spirituales, cui eam fideliter detegas; non tamen; ut ab eo aliquod impetres solatium, sed: ut te doceat, quid in hac tua ariditate facias iuxta beneplacitum Dei.

H

Porro

Porro nec sacrâ Communionē, nec oratione nequē aliō quocumquē spirituali exercitiō hac intentione utaris, ut in adversitatibus tuis aliquam mitigationem aut consolationem accipias: sed dumtaxat eò, ut robur spiritūs à Deo accipias, ut crucem tuam hanc patienter sustinere possis, Etsi quandoquē ob mentis turbationem aut distractionem, non poteris commodē intellectu tuo uti ad meditationes: tantum habeas ac conserves in te voluntatem bonam id faciendi: & adhibe superiùs notatas iaculatorias oratiunculas, seu repentinas elevationes mentis in Deum.

Utilius tamen tibi est, hanc crucem aridæ mentis cum humilitate & multa patientia sustinere,

ferre. Quidquid enim feceris aut
 sustinueris pro honore Dei, opti-
 ma apud ipsum oratio est. Sed
 & in hoc verè devotus eris;
 quoniam vera devotio nihil est
 aliud, quàm cor promptum Chri-
 stum Dominum nostrum, imposita
 humeris nostris sancta cruce, se-
 quendi quocumquè & quacumquè
 viâ voluerit: ita; ut Deum so-
 lum habeat pro Deo: & quan-
 doquè Deo, propter Deum re-
 nuntiet.

Si ergo homines, præsertim
 religiosi & mulieres, suam in
 vita spirituali ac pia devotione
 profectum, iuxta hanc regulam
 (& non iuxta sensibilem devotio-
 nem in qua propè omne studi-
 um ponunt) examinarent; haud
 dubiè non tam ingrati, sine
 omni utilitate abuterentur sen-

sibili devotione ac dulcedine, quam Deus ipsis propterea largitus est, ut maiori zelô deinceps se dederent suæ Divinæ voluntati, qui tantummodo propter salutem nostram operatus est universa.

Quamobrem plurimi se ipsos decipiunt, qui cum ab impuris abominabilibusquæ cogitationibus obruuntur, protinûs pusillanimes fiunt graviterquæ sibi timent, tamquàm à Deo derelicti: arbitantes impossibile esse, ut Deus cum suo spiritu in mente sic turbata & obnubilata habitat, Atquæ in his cogitationibus semet ita involvunt, ut paulatim in gravem sui ipsorum displicentiam, ac quandam velut desperationem incidant, Quod cum intra se deprehendunt; confessim

festim ad solitas accurrunt exercitationes, ut quietam mentem recuperent. Sed nesciunt se in hoc esse ingratos Deo, qui huiusmodi turbationes in ipsis ideò fieri permisit, ut ad agnitionem propriæ vilitatis permoverentur indequè ut miseræ, fragiles, desolatæ creaturæ, ad ipsum gloriosissimum Dominum Deum, Condito rem suum ardentius, diligentiusquè confugerent.

Itaque, fili, in huiusmodi adversitate constitutus, hoc solum facito: meditare de tua ipsius vilitate, in eaque meditatione te ipsum humilia, tuosquè prava affectus intimè considera. Hos namquè Deus in te esse, permittit, ut dignosceres quàm proclivis ex teipso sis ad omne genus vitiorum: quodquè sine Di-

vina custodia, auxilio, defensione, continuè iisdem profundius immergaris.

Deinde quoquè apud te ipsum concipe spem bonam ac fiduciam in Dominum Deum tuum; eò quod videas ac sentias, ipsum solum permisisse te labi in hanc gravem adversitatem, ut occasionem acciperes ad ipsum per humilem invocationem, orationemquè appropinquandi. Propterea & ipsi mox gratias agito pro huiusmodi perturbationibus: habeasquè pro certo, pravas quasquè cogitationes citius depelli mansueta patientia, quàm sollicitò studio eas repellendi.



CAPUT XXIII.

De gratiarum actione.

UNiverſa quæ facimus bona, à Deo proveniunt, & ipſius ſunt: Idcirco & ipſi ſoli gratias agere debemus pro omnibus ſpiritualibus exercitijs, & pro ob-
 ta victoria contra hoſtes noſtros: quemadmodum quoque pro reli-
 quis beneficijs omnibus, quæ aut nobis ſolis benignè contulit, aut ſunt nobis cum alijs communia.

Ut autem & hoc legitime præſtare poſſis, memineris præci-
 puam cauſam, cur Omnipotens Deus ſua nobis dona benignè conferat, hanc eſſe; ut ipſi piè, rectè ac dignè agamus gratias. Cumque is ipſe Dominus Deus noſter in beneficiorum omnium

largitione, prius ac potius suum spectet honorem: deinde utilitatem nostram; idcirco & tu in omnibus acceptis beneficijs agnoscas. primò ipsius Dei Omnipotentiam, & immensam bonitatem, quæ in cunctis eius beneficijs gloriosè relucet.

Dein meditare nihil in te esse dignum tantis Dei beneficijs: sed tua omnia esse ingratitude, miseriam, extremamquè vilitatem. Tandem ergo exhibe te obedientem suæ Divinæ voluntati, & stude implere, quæ per ista beneficia Deus abs te postulat: videlicet; ut ipsum præcipuè ames, ipsiquè diligentius servias, & te totum liberè offeras ac dedas: sicut iam plenius docebo.

CAPUT XXIV.

De perfecta suiipfius oblatione.

Post gratiarum actionem pro beneficijs acceptis statim prorumpit anima in dulcem illum affectum Davidis: *Quid retribuam Domino pro omnibus quæ retribuit mihi?* Ut ergo quadamtenus satisfacere possis, offerendo Deo tuo totum id quod es, habes, aut potes, idquæ ex integra, plenissimaquæ voluntate, & efficaci actu interioris hominis.

Confidèra primò profunda attentione magnitudinem, & Maiestatem Dei tui (ab hac enim consideratione pendet perfecta tuiipfius oblatio) & invenies magnitudini eius deberi reverentiam, & timorem; Bonitati verò

H5 amo-

amorem; Misericordiæ autem eius spem, & fiduciam; atque ita de reliquis eius perfectionibus, & attributis: Et congratulaberis eidem Deo tuo, quod sit id quod est, nimirum optimus, maximus, sapientissimus, sanctissimus, omnipotens, infinitus, quodquæ omnia habeat quæ habet; compluresquæ actus amorosæ huius complacentiæ intus in corde tuo multiplicabis.

Deinde, profundissimâ reverentiâ flectes genua cordis tui, totumquæ corpus inclinabis Deo tuo, ipsum adorans, & tamquam supremum Dominum agnoscens omnium creaturarum; Specialius autem considera, quia totum quod es per naturam, & per gratiam, ipsius est proprium: quoniam ipse solus totum hoc tibi

con-

concessit, & solus hoc in te conseruat; hinc enim semper te debitorem agnosces, quantumvis magna ipsi offeras: siquidem nihil poteris illi dare, quod non sit ipsius & ab ipso prius tibi donatum; cuius dominium non potest amittere, etiam tum, cum in te transtulerit.

Tertiò. Ab illa cogitatione accede statim ad oblationem, & hilariter, ac reverenter trade in manus Dei tui quidquid habes aut potes ipsi offerre; omnia scilicet quæ ipse tibi prius dedit, atque ita teipsum restitues Deo tuo in perpetuam servitutem, ut de te statuatur quidquid voluerit, sive in tempore, sive in æternitate. Nec solum generatim offeres Deo tuo radicem, ac principium omnium cogitationum, loquuntio

quotionum, & actionum tuarum:
Sed figillatim eas omnes (quas
ratione tui status exercere tene-
ris) offeres in honorem & glo-
riam sanctissimi Nominis eius.

Ultimò unies, & coniunges
hanc tuipsius, rerumquè tuarum
oblationem cum meritis dul-
cissimi Sponsi animæ tuæ JESU
Christi, ut ab ipso valorem &
pretium accipiat, quoniam à te
ipso solo nullum habere possunt.
Consummabis igitur oblationem
tuam, simul cum teipso offerens
æterno Patri merita unigeniti Fi-
lij eius, omnesquè labores, quos
exantlavit ab ipso præsepi usque
ad Crucem. Omnia enim quæ
ille egit & passus est, tuæ sunt
opes, tuæ divitiæ, quas ille mor-
tiens testamentò suo tibi reliquit
tamquam hæredi meritorum suo-
rum.

rum. Memineris autem hæc omnia non pro teipso dumtaxat offerre: Sed etiam pro universa Ecclesia, & membris illius: sic enim acceptabilior erit Deo oblatio tua charitatis incenso sociata.

Similiter cum ieiunia, orationes, aliaque opera bona Deo offerre volueris; considera primum quod Filius Dei, ista opera tua una cum suis antea obtulerit Deo, & sic utraque coniunxerit atque univeri: quare & tu eadem sic offeras ac dones cælesti Patri. Inde namque intelliges oblationes tuas è purò ac sincero corde proficisci. Et si tempore tribulationis huiusmodi oblationes feceris; perfacile omnem angustiam, dolorem, miseriam atque pericula superabis, & Dei voluntatem rectissime implebis. I Si

Si verò Christi Domini nostri opera cælesti Patri suo pro delictis tuis offerre volueris, sic te geres. Principio aliquantulum considera peccata tua, & ubi cognoveris te cælestis Patris iram per teipsum sedare eiusquè iustitiæ satisfacere non posse; accurre ad vitam, passionem & mortem Christi Domini nostri & unum aliquod ex istis, vitæ aut passionis meditare. Videlicet, quomodo ipse ieiunaverit, aut oraverit; aut sanguinem fuderit; tunc intelliges quomodo ipsemet Christus, tale opus, seu dolorem suum pro peccatis tuis, ad reconciliandum Deum tibi, obtulerit, dicens: *O mi cælestis Pater, iam plenè satisfacio tuæ Divinæ iustitiæ pro peccatis huius servi tui N. Ego oro tuam Divinissimam Maiesta-*

tem ut parcas ei, & assumes eum in consortium Electorum tuorum. In hac autem meditatione etiam & tu offeras cælesti Patri istam oblationem unigeniti Filij eius ipsumquè pro te & alijs hominibus ora, ut propter oblationem hanc ac Nominis sui gloriam benignè tibi & alijs condonet peccata vestra. Eandem spiritualem exercitationem utiliter facere poteris in quolibet opere ac mysterio, quod Christus Dominus noster in hac vita operatus est.

CAPUT XXV

De petitione gratiæ.

Postquam æterno Patri obtuleris pretiosissimum thesaurum sanguinis, & meritorum

Christi: confidenter poteris ab ipso postulare, quæcumquè fuerint necessaria: sed ut hoc decentius præstes.

Primò excita in teipso fiduciam ex recordatione summorum beneficiorum quæ à liberali manu Dei accepisti. Nihil enim maiorem fiduciam præstat nova beneficia impetrandi, quam illius immensæ recordatio liberalitatis, quâ Deus in necessitatibus præteritis tibi succurrerit: ab ista autem fiducia pendet tota petitionis tuæ efficacia, & sine ea nihil potest à Deo obtineri.

Secundò: Cura diligenter ut hanc fiduciam summa comitetur humilitas; ita ut paucitati, & parvitatì meritorum tuorum diffidas. benignitati autem, & liberalitati Dei meritisquè dulcissimi

mi

mi Sponsi tui Christi magnanimitè innitaris. Nec tamen præ humilitatis specie fias pusillanimis. & formidolosus, nec grandia beneficia à Deo postulare metuas: quamvis enim æquum sit miseriam tuam agnoscere, & quàm parùm aut nihil merearis: non est tamen desperandum de Divina bonitate, nec tenuiter aut viliter de eius largitate sentiendum; non est despondendus animus, quia si parum merearis, tanto meliorem occasionem adeptus es multa petendi: dona enim Dei non fundantur in tuis meritis, sed in meritis Christi, quæ sunt infiniti valoris & dignitatis.

Tertiò. conare petitionem tuam crebris, fervorosisquè desiderijs sociare: nempe, ut ardentè

desideres obtinere quod petis: quoniam enim à pietissimo Patre quæ tibi necessaria sunt, postulas, quiquè non solum iubet ut petas magna, sed etiam irascitur si non petas, & pollicetur datum se quæcumquè petieris: non desint tibi flammigera desideria obtinendi ea; quæ à tam liberali Patre postulas. Plerumquè enim ideo non obtinemus quod petimus, quia non magnèperè desideramus obtinere: sed petimus solum tepida voluntate, quia ratio & fides dictat esse necessaria quæ petimus, non quia multum cupiamus ea à Deo accipere. Cuius rei causa est, quia affectum voluntatis in terrenis figentes, quæ in electu contemnimus, voluntate magni facimus: atquè ita; licet iudicemus, animum esse
ad

ad altiora elevandum, non tamen cupimus ab eis separari. Quod si illud vehementer & veraciter, ac ex animo desideraremus, statim petitiones nostræ effectum fortirentur.

Tandem curandum tibi est, nè petitioni tuæ desit: 1. affectus charitatis erga proximos: non enim sufficere tibi debet quòd pro teipso ferventer petas, sed erga alios omnes affectum obtinendi Divinam gratiam extendere. 2. non desit perseverantia, solet enim Deus differre, & prolongare petitionis nostræ adimpletionem; ad maiorem utilitatem nostram, utquè in nobis crescant magisque ferveant sancta desideria sicut in Chananæa, & vidua Evangelica contigit. 3. non desit resignatio propriæ vo-

luntatis, quatenus ita desideria cordis tui Deo repræsentes, ut magis in eis Divinæ voluntatis, quàm tuæ beneplacitum expectes sicut Christus in horto petijt, noli ut fieret voluntas sua sed æterni Patris sui,

CAUTELÆ QUÆDAM.

I. **N**on permittas intellectum curiosè considerationes altas, aut delicatas prosequi; sed eatenus solum discursu ejus utere, quatenus sufficiat ad inflammandam voluntatem, pioquè in ea affectus, & bona proposita excitanda. Ideoque ex omni consideratione affectum elice, ex omni affectu sanctum aliquod propositum determinatè, & particulariter educito

ducito; ut scilicet, hoc vel illud eo die in honorem Dei facias, hoc vel illud vitium emendes, in hac vel illa re teipsum mortifices. Hic enim omnis fructus est orationis.

2. Peracta Oratione, paulisper teipsum examina, quomodo te inter orandum gefferis & si benè, gratias agas Deo, sin negligenter, proponas emendare, & notes causam cur malè successerit, ut ab ea in posterum caveas.

3. Ut omnia hæcenus tradita, studiosissimè mediteris, Per diligentem enim meditationem, & continuam exercitationem, magnum robur spiritus tibi certò conciliabis ad superandos, profligandosquè cunctos hostes tuos.

Unusquisque ergo apud se
ipsum

ipsum statuat, se proposita hactenus arma in manus sumere, contraquè hostes suos strenuè, viriliter constanterquè dimicare velle. Pugna enim hæc eiusmodi est, ut nullus hominum eam possit subterfugere, sed singulis quibusquè omnino pugnandum sit. Qui enim non pugnat, hic perpetuò victus, mortuusquè iacebit, quicumquè fuerit.

Sed nec ulla spes est Pacis, quamdiu nobis cum his hostibus negotia sunt: & quidem omnium maximè nocent his, qui cum eis pacificè vivere, & quasdam velut inducias pacisci voluerint. Tu ergo eos, quantumlibet potentes, & truculenti fuerint, nè timeas: quia omnis eorum potentia, ac impetus, est in manibus supremi Ducis mili-

tiæ Christi Domini nostri, propter quem tu pugnam hanc subiisti. Ob idquæ nemo in hac pugna superatur, nisi sponte sua voluerit.

Nec te terreat, aut pusillanimum reddat, quod Dominus Deus tuus propter quem pugnam hanc ingressus es, suum auxilium ad vincendum hostem, non numquam diutius differat. Certissime enim tibi persuadere debes, ipsum Deum, ob summam bonitatem, & omnipotentiam suam, omnia, quæ nobis suis militibus in quibuscumquæ rebus, negotiisque eveniunt; præsertim incommoda, adversaque in nostram utilitatem dirigere, & ut in optatissimum finem exeant, benignè providere.

Hæc meditatio generabit in

te cor excelsum, ac constans ad pugnam. Proindequè etiam si victoria, nonnumquam sequatur tardius, aut diutius differatur: credas firmiter, id propterea fieri, ut latens intra te superbia excludatur, utquè humilis fias, ac maneas: Vel: ut in virtutibus continuè magis, magisque proficias, & miles tandem exercitatus reddaris. Nam per varias, continuasquè pugnas homo exercetur, multum què proficit in arte pugnandi: aut saltem obtinet aliud quoddam bonum, quod Deus in utilitatem eius benignè, sapienterquè aliquandiu occultat.

Propterea, dilecte fili, alacri, & heroicò animò ingredi hanc pugnam; nè sis ingratus Domino Deo tuo, qui tantoperè dilexit

lexit te, ut seipsum propter te, in mortem tradiderit. Et attende diligenter ad omnem voluntatem, omniaquè mandata ipsius, ut & omnes ad unum hostes tuos penitus extirpes, atquè profliges. Quamdiu enim unicum ex ipsis vivere fines, erit tibi festuca in oculo, & in latere lancea, quæ te à gloriosa victoria semper impredient.

4. Si in examine aliquando invenias non ita multa fuisse errata tua, ut inde ad dolorem, aut pudorem movearis: totum hoc acceptum feras Divinæ misericordiæ, non tuæ diligentiae, aut virtuti; & revoces ad memoriam antea actæ vitæ, peccata; & cogites aliorum in sæculo lapsus, quibus multò sædius, lapsus fuisses, nisi DEUS te divinâ gratiâ

156 PUGNA SPIRITU:

tiâ suâ ultra omne meritum tu-
um, imò cum multis demeritis
tuis prævenisset.

FINIS.



ER-



ERRATA SIC CORRIGE.

F. 1. v. 3. pro ly: perfectionis *lege* perfectionis. v. 4. pro ly: uniri
lege uniri

F. 5. v. pro ly: Communio-
ne. *lege*: Communione. v. 16. pro
ly: comendata *leg*: commendata.

F. 10. v. 4. pro ly: affectumq;
leg: affectuumq;

F. 12. v. 15. pro ly: nenle-
ctis. *leg*: neglectis.

F. 13. v. 8. pro ly mortifico-
tione *leg*: mortificatione.

F. 19. v. 17. pro ly: ab hostibus
leg: de hostibus.

F. 26. v. 18. pro ly: pio *leg*: pio.
F.



F. 30. v. ult. pro ly: feciendum.
leg: faciendum.


F. 32. v. 19, pro ly: aliorum.
leg: aliarum.

F. 45. v. 4. pro ly: fesualitas
leg: sensualitas. v. 20. pro ly: se-
fualitatif leg: sensualitatis.

F. 96. v. 5. pro ly: expecta dum.
leg: expectandum.

F. 133. v. 15. pro ly: suam leg:
suum.





REIMPRIMATUR

Datum Cracoviæ in Pala-
tio Episcopali *Die 5. Martii*
Annò 1780.

JOSEPHUS
OLECHOWSKI
ARCHIDIACONUS Cathedra-
lis Cracoviensis, AUDITOR
& JUDEX GENERALIS.


mpp.





J N D E X

C A P I T U M.



pagina.

CAPUT I. *Quibus in re-
bus Perfectio Christiana con-
sistat: & de quatuor ad eam
obtinendam necessariis. . I.*

CAPUT II. *De diffidentia
suiipsius. - - - - 14.*

CAPUT III. *De Confiden-
tia in DEO. - - - 18.*

CA-



CAPUT IV. *De exercitatione: & primùm de intellectu, & quomodo ab ignorantia & curiositate custodiendus sit?* 36.

CAPUT V. *De Voluntate: deque fine in quem omnes actiones nostras debemus dirigere.* - - - - - 36.

CAPUT VI. *De duplici voluntate in homine: & earum continua inter se pugna.* 43.

CAPUT VII. *De pugna contra affectus sensualitatis: deque interiori exercitatione voluntatis ad comparandas virtutes.* - - - - - 49.



CAPUT VIII. *Quid faciat, cui videbitur superior Voluntas sua seu ratio ab inferiori voluntate seu sensualitate, jam devicta, eidemquè omninò subjecta.* - - - 59.

CAPUT IX. *De occasione pugnae non fugienda.* - 66.

CAPUT X. *De pugna adversus subitas tentationes, passionesquè.* - - - - 71.

CAPUT XI. *De pugna contra carnem nostram ejusquè prava desideria.* - - - 75.

CAPUT XII. *De pugna con-*



*contra acediam, negligentiam,
pigritiam. - - - - 85.*

CAPUT XIII. *Quomodo
sensualitatem suam homo re-
gere debeat. - - - - 88.*

CAPUT XIV. *De ordine pu-
gnandi cum hostibus nostris 94.*

CAPUT XV. *Quid facien-
dum illi, qui ab hostibus de-
victus graviterquē est lœ-
sus? - - - - 95.*

CAPUT XVI. *Quòd spiri-
tualis homo semper debeat ha-
bere cor quietum ac lætum
in Domino. - - - - 100.*

CA.



CAPUT XVII. *Quòd diabolus hominem sæpè per pia proposita decipiat, & à profectu virtutum impediat.* 105.

CAPUT XVIII. *Quibus dolis diabolus nos à virtutum studiis abducere molietur?* 109

CAPUT XIX. *Quomodo aduersarius noster insidiosè molietur, ut virtutes nostræ acquisite nobis occasio sint ad ruinam.* - - - - - 115.

CAPUT XX. *Ut in pugna spiritali numquam nobis blandiamur de hostibus devictis*



victis: sed solitas nostras
exercitationes subinde itere-
mus, velut adhuc essemus ty-
rones in hac Spirituali po'ce-
stra. - - 121.

CAPUT XXI. De Sancta
Oratione. - - - 123.

CAPUT XXII. De sensibili de-
votione, & contraria aridita-
te ac derelictione fidelis ani-
mæ, - - - 127.

CAPUT XXIII. De gra-
tiarum actione. - - 137.

CAPUT. XXIV. De per-
fecta sui ipsius oblatione. 139.

CA-



CAPUT XXV. *De petitione Gratiae.* - - - - 145.

CAUTELÆ QUÆDAM 150.
c c



В. И. Мух.

2. 11. 1917

287

1

1789

510

V. Auct.



768308

Bibliotheca

1500 PLN

P.P. Camaldulensium in Bielany

Depozyt w Bibliotece Jagiellońskiej



05614

23.12

Numer

Donnerstag 22 März 1844.

Præwielebny i szc. Pseonne Dobrodziej!

Donnerstag 22 März 1844.

Freiwillig Hize Insekte Labradier!

Doni

Numer

dawnego
inventarza

bieżący

P R Z

Urbano, 18 de Mayo de 1808

